

有正味齋全集

和
895
/



有正齋詩集味



三十年為一世余交穀人先生一世矣性情心術靡不浹洽有
 深於語言文字之外者即以語言文字論先生之詩非猶夫人
 之詩也文非猶夫人之文也詞賦非猶夫人之詞賦也必先有
 以得夫事之真情之合體驗融會而後滔滔汨汨筆之於書無
 所扞格京師釣魚臺桃花崇效極樂法源三寺海棠牡丹菊花
 澄懷園淨業湖荷花檀栾桂花皆稱極盛先生喜遊又喜偕余
 遊遊必有詩紀勝當夫酒酣笑樂俯仰今昔落落自喜蕭條曠
 放雲之行也水之流也風之來也氣候之變幻也山川之倣詭
 也若有意若無意及發而為詩文則萬象包納幽者顯昧者揚
 晦者瑣者靡不摧且理焉噫何其大也先生在京師續刻詩集
 徵余叙今養病江上七八年矣家貧課生徒自贍而四方乞詩

文

文者屢滿戶外近寄書云拙作久宜覆瓿徒以區區之心不能割捨合並前作別有增刪業已付刊約春夏之交便可正諸有道前承高文弁首係專指續刻而言倘得渾括全詩益之獎借尤爲銘感先生名重中外詩文集凡數鐫板買人藉漁利致富高麗使至出金餅購有正味齋集廠肆爲一空何藉自刻其集又何藉鄙人之敘哉然少陵不云乎老去漸於詩律細矜慎之至耳又以余聞詩教於先生三十年親見摻筆作文章甘苦有以得其真出言必能傳信故不屬高才鴻儒而屬余焉果此意耶則先生之集安得不重刻又安得不徵余敘哉附驥以傳謂非余之厚幸也歟嘉慶十三年四月二十五日同館侍生法式善序

有正味齋詩集卷一目錄

錢塘 吳錫麒 聖徵

寶石山樓始存稿

湖州展謁祖墓信宿舊廬感賦三首

企喻歌二首

有所思

北邙山行

城西曲贈胡竹城 應煜

瑞石洞

讀放翁集

初雪

南潯舟中同問渠叔作

懷友人讀書湖上

過蓮社庵

南湖絕句三首

觀夜潮

雲林寺訪慧朗上人

送客渡江

沙河晚歸

荅友二首

劉春及廷楷齋中賦水仙

新燕篇

春暮東周澄源春旭

城南徐氏宅觀牡丹分賦得九言體

遊宗陽宮

東園

鳳凰山懷古

秋夜湖上

消寒絕句六首

簡舒古廉韶言

湖上觀新綠

夏曉同舒古廉周澄源渡湖至丁家山

繇靈石下玉鉤橋尋句曲外史墓

登風篁嶺遂達龍井

晚入楊梅塢宿師子林

曉起冒霧出山沿九溪十八澗抵翁家山

過理安寺觀法乳泉

還經烟霞嶺尋石屋洞

秋郊晚眺二首

楊丈硯雨華畫梅見貽賦謝

雪霽

同人買舟出東新關暮抵橫塘宿胡氏古香書屋明日

曉起由半山橋入三塔觀梅得詩四首

硯雨丈自三塔歸畫梅數十幀以其一貽余且曰不可

無咏因作二絕句報之

春燕和劉春及韻

送硯雨丈還京

黃葉

皇親巷邵家園歌

翦橙小集二首

雪中吳山晚望

雨霽

西湖夜泛

秋日出遊得八絕句

偕施藻嵐枚蔡柳堂鵬沈耀荈士鉉入楊梅隴訪三祇

上人留宿師子林同作二首

正月九日再同施藻嵐胡竹城沈耀荈遊楊梅隴用前

韻二首

題趙彝齋雙鉤水仙

秋日雜詠八首

秋日同人東園小集得鐘字

冬菜十二韻

五尺小口再同飲... 西人留宿... 夕日山... 西... 中... 泉...

有正味齋詩集卷一

錢唐 吳錫麒 聖徵

寶石山樓始存稿

湖州展謁祖墓信 宿舊廬感賦三首

潛姿闕陰壑迅羽翔高穹 宇宙各有託顯晦道不同 余生守蓬 藿敢信能固窮 食德仰先疇慨然思農功 汙溪中水謾謾松 下風百年丙舍遠精氣自感通 遺澤在耒耜忍饑望年豐 白雲 一杯酌哀響生枯楓為我話疇昔落日來田翁

茅屋緣溪邊云是先世宅 守家人雜棲頽敗僅四壁 旁尋桑徑 通遠見稻堆積場空人影小 寒月瀉初白稚子出門迎 揖我翻 謂客殷勤敦禮意雞黍無遜惜 緬昔綢繆心詎止計安適 井甯 不可尋青苔掩陳跡 糞本葉知根探源泉 有脈徹廬吾所愛 夢

寐慰今夕

信宿極流連流連意難已
比鄰各相款酒薄味能旨
恭唯祖宗舊流惠播粉梓
沒世猶勿諼愛敬及孫子
田歌互酬唱情話雜悲喜
指示松楸間清蔭近尤美
詩書不饋貧遑敢希廡仕
服穡倘有秋歸學荷耒始

企喻歌

朔風吹蓬蒿驚沙落如雨
鷓子不見來黃雀相爾汝
快馬不絡頭報讎走千里
日暮悲風生磨刀隴頭水

有所思

妾居長千里郎客巴陵州
潮來與潮去同在門前流
流過相思去長江無盡頭

北邙山行

朝望北邙山其下有車馬
紛紛白衣冠云是會葬者
豐碑螭首高屹雲不知諛
墓何人文白楊樹下悲風
起故鬼啾啾語新鬼幾家
寒食奠酒漿幾處宿草眠
牛羊華表不歸千載鶴今
古聚成一邱貉君不見炙
手可執勢絕倫一朝棺翼
纏其身門生故吏各自去
誰是墳前下馬人

城西曲贈胡竹坡應煌

城西柳枝三尺長與君同
聽啼鶯忙城西落葉紛如
雨與君同送烏衣去燕去
鶯來年復年治遊常傍酒
壚眠招人帘影候檐口盪
破一角紅樓烟豈無姪女
工數錢豈無吳姬解按絃
忽然曼聲起但見娉光眇
視翩來前微風吹春燭花
舞空裏行雲飄似縷唱汝
黃河遠上詞幾人能識旗
亭譜人生知己不在多賞
音况復逢青蛾縱無盈斛
珠諧價那不當筵淚涌波
此時干觴

辭不得此際三更聽漸急君自狂呼我已酣深杯瀉入銀河色
座中詫此兩少年似顛非顛仙非仙頻澆壘塊還催酒軟踏琉
璃欲上天君家舊住山陰道連日酒船來不少桃花開到隔江
山恰對西施鬢髻好美人隱隱翔雲端我欲從之道路艱感君
言語得人意能使腋下生羽翰來時共君行歸卽就君宿明月
在前頭忘却我家屋青楊白楊前後居團雪散雪離合殊人生
最愴黃壚別吾輩先愁綠髮疎行樂不及時流光容易誤但願
酒星常照酒人聚倒佩欵冠能幾度他年毋忘城西路

瑞石洞

拔起市喧外嵌空萬竅靈雲衣如鶴白石氣得松青樓閣仙人
去林泉藥草馨夕陽無限意樵唱接冥冥

鐵馬金戈夢不成熏爐茗椀寄餘情蘇黃以外無其匹梁益之
間老此生擊賊未忘垂釣日臨終如唱渡河聲長吟直與精靈
接千億梅花坐月明

初雪

爬沙一曲譜簾櫳密灑斜飛態不同對我青山蒙絮帽待人粉
本畫漁篷濁醪已長前村價黃葉纔空昨夜風報與老農應色
喜鴉娘門外呪年豐

南潯舟中同問渠叔作

東西水柵市聲喧小鎮千家抱水圓敗齒印沙沾酒屐櫛頭抄
路送租船清風橋口三年夢庚辰冬會泊此太尉城邊一笑緣文待詔泊南潯詩百年雲水原
無定一笑江湖本浪遊點綴荒寒賴鳥相小梅花壓幾梢偏

懷友人讀書湖上

林雨灑清磬湖風吹玉琴對門新水滿坐爾落花深鄭重名山
業艱難故紙心帶圍應更減日日有幽吟

過蓮社庵

徑盡菱蘆外人來田水間百年看老樹一角對遙山貝葉僧繙
熟蓮臺佛坐閒談禪有深味文字亦相關

南湖絕句三首

田家橋轉碧流通涼殺垂楊四面風綠綠全湖波不小署名乞

與水晶宮

南湖一名白洋池四朝聞見錄白洋池在田家橋側菱荷湖然鷗鷺雜集號小水晶宮

漁船擘過水邊屏明滅湖光潑釣磯荷葉已高花尚欠一痕乾

雪鷺鷺飛

老僧頭白話張家捨宅碑荒壤樹遮消受一竿煙水活黃梅兩

過叫蝦蟆

楊萬里和張功甫詩

觀夜潮

高樓極目大江寬為待潮生夜倚闌隔岸忽沉燈數點如山湧
到雪千盤魚龍捲地秋風壯星斗搖天海氣寒明月漸低聲已
歇一枝塔影臥微瀾

雲林寺訪慧朗上人

石頭路滑亦何辭曳杖來尋瘦阿師有約白雲迎客起貪看紅
葉到門遲住山要乞安心法呈佛何妨本色詩踏遍松陰欲歸
去泉聲十里晚風時

送客渡江

西風吹柳盡無處挽長條且醉故人酒送君乘暮潮言經梅福
里相訪稽山樵隔江明月照余夢亦迢迢

沙河晚歸

落日收墟市飛鴉亂夕天峭寒渾赴暝野水自生烟月在諸峰
外僧歸一磬邊前途漸燈火城堞望蒼然

荅友二首

枯桐不能語切切縈人思空腹生蛛網沒世待子期土甘蒿蔓
瘦不羨酒肉肥乞米無故人魯公亦忍飢蘭芳自爲賞折之欲
贈誰朝來得素書乃是我友遺上言崇明德下言感別離承君
廣惠問報君無異詞願共千里心勿以中道歧白璧易受玷素
衣易成緇偶中於所貪那得復悔之春風吹楊柳靡靡搖參差
高雲在天上黃鵠相從飛

鉛刀無良割緡牛徒外榮何如杜元凱胸有武庫兵愚智三十
且沙若河漢驚蠹魚走廚籠聚書多鬼名此腹何負公不使相
古來課士法經史以歲程賤生懼學晚末由涉登閣待斷

問輪扁材藉大匠成載廢伐木篇願言求友生子倘能我來嚶
嚶有同聲子倘不我來踽踽吾獨行

劉春及

廷楷齋中賦水仙

懷之渺渺見娟娟相憶相逢各有緣高格白描燈上候小窗清
供雪晴天湖頭廟已寒泉薦海上琴誰古調傳願借微波託心
素今宵月落未能眠

新燕篇

去年別我落葉飛今年花發仍來歸幾日南園生綠草一條古
巷閃烏衣烏衣有情工軟語珠箔玲瓏招故侶東風歷歷問寒
暄夕照呢呢學兒女海棠雨過樂春酣令節剛逢三月三辛苦
營巢防戍已綢繆定戶向東南東南戶拓芹泥暖落成賀以晴
雲盈隔墻何處簇樓臺別院誰家鬧絃管豪華炙手近欲喚井

文細畫梁無塵。翩翹每見。釵頭化。窈窕從教掌上珍。金魚牢合
雲埋戶。重聽。錢錢鳴。社鼓窗底。憑泥打玉箏。樓頭有女。悲朱縷。
極睇休疑。路阻修。眼前猶自挂瓊鉤。年來年去。渾如夢。飛絮飛
花。攪作愁。相依還說貧家好。故壘當時非草草。一翦香黏杏樹
紅。全身避入梨花縞。花邊樹外久留連。送上秋千人比肩。豈無
絳衫飄艷艷。豈無繡帶舞翩翩。衫痕帶影同上下。輕身學得和
春盪。黑暗嫌。經戶網。兜黃昏。怕觸簾旌響。門外參差柳插高。得
時百鳥共求曹。莫因北去憂。鴉鳩莫為東飛念。伯勞羨爾雙棲
同旖旎。朝日瞳瞳睡新起。頻頻喜報畫堂前。又引雛穿碧陰裏。
感恩惟有主人多。主人欲別嗟奈何。明朝相送橫塘路。無限深
情勝綠波。

春暮柬周澄源 春旭

三月已半花亂飛。花飛日日漸花稀。白蘋何處風正急。黃鳥不
知春欲歸。湖裏外添荷葉小。陌東西夾桑陰肥。斜陽未落光景
好。待子來敲白板扉。

城南徐氏宅觀牡丹分賦得九言體

輕陰連日欲雨不雨天。清明已過尚枉穀雨前。城南主人邀我
看花去。到門便聽蜂子聲。喧闐雕欄屈曲一幅青。幔護羊燈蕩
漾四角流蘇懸。不知姚家魏家誰氏種。黃者金紫紫者玫瑰鮮。
霞蒸雲湧頃刻開。百朶似有羯鼓火。速催花邊花頭如盤何止
尺許大。花身高透約略齊吾肩。石家步障移自金谷至。鄂君繡
被堆向沙棠眠。酣酣過卯常帶麴。生醉亭亭正午試驗貓睛圓。
忽然花光捲起在空際。漫天柳絮正放春風顛。人生看花須及
花正好。未必明日不付牛酥煎。奉我蘭陵下若之美醞。娛我高

山流水之清絃。進我綠沉青鏤之彩筆。索我批紅判白之新篇。
廬陵記裏寫遍洛陽種。沉香亭北句妙吟青蓮。名花榮辱豈待
鰕生志。平生富貴自有文人傳。晚來只恐鹿女踏花去。但賸水
牯歷亂斜陽偏。不須評量十戶五戶賦。火前火後有約期來年。

遊宗陽宮

故宮德壽黥烟蘿。橋轉新宮去踏莎。山影出雲高閣見。松聲吹
雨半空多。道人丹訣調龍虎。老輩詩壇歛鸛鵝。有約後遊乘月
夜。吹笙重著羽衣過。

東園

彌望東門菜。荒塍稜稜分曉光。餘冷露秋色有停雲。記合伽藍
續名會富景間。淒音互相答。蟲語太紛紛。

鳳凰山懷古

松光透天天欲濕。作勢蟠峩萬蛟立。咫尺蒼茫不辨人。匡山暗
捲寒濤入。杭人故事說康王。行宮十里營錢唐。西湖花鳥奉宸
賞。不與汴水同荒涼。納涼聞幸翠寒堂。講武還過御教場。此時
此山入大內。鳳凰雨在雲中翔。百官環珮花漏午。不知今者唯
斜陽。嗚呼。宴安鳩毒厚金牌。竟阻黃龍酒。風波獄起。墮長城。從
此中原非宋有。嗚呼。遊戲干戈生襄陽。礮火燒空明。笙歌夢轉
秋風急。蟋蟀聲催白雁聲。主失乾綱。臣誤國。撞壞家居。良可惜。
殘山留作畫圖看。一片傷心天水碧。鳳兮鳳兮。爾亦哀。眼見宮
闕成蒿萊。金支翠旗安在哉。問月月已落。看花花未開。隔江風
雨。諸陵來。棠梨麥飯無人哭。幾樹冬青怪鴟宿。冷落鳳凰青隔
竹。

秋夜湖上

湖鏡雙開裏外分。臥虹十二界波紋。魚龍高興同乘月。雞犬誰家只住雲。隱隱鐘生昭慶寺。沈沈樹暗岳王墳。重煩老鶴迎人出。一路松風訪隱君。

消寒絕句六首

今年人說是豐年。賸我山厨晚未煙。聽得鄰家耒板急。夢隨饑雁落霜田。

磬頭山在屋頭堆。磬口花于水口開。不遇故人誰共賞。打冰聲裏一舟來。

蕉敗西風柳敗霜。尖尖驢耳葉偏長。枇杷自是冬心樹。白雪花開照我牀。

濕絮濛濛白戰天。忍寒不肯裹衾眠。破裘補綴十斤重。壓倒詩人山字肩。

兜羅繇護山重重。書訊山僧雪屋中。煨芋豈關宰相事。炊糜鑊子是家風。

初茅補屋野人忙。入望寬閒稼穡場。一棧爛黃堆菜葉。只添寒色助斜陽。

簡舒古廉 紹言

君居我巷東。望見我家樹。三日春雨深。相思落花暮。

湖上觀新綠

畫裏租來弄水船。一枝柔艣綠陰邊。浮烟欲合全湖暝。宿雨初晴萬樹圓。紫燕黃鸝相對語。餘花晚節各成妍。春愁獨我難消遣。每到斜陽為黯然。

夏曉同舒古廉周澄源渡湖至丁家山

人語烟際生。沿流舟暗轉。清風善發蒙。孤岫倏迎面。就竹微徑

連梯苔仄。厓踐湖光所來處。巖啟扉。兩扇漸積。夏綠寒全奪。鼉
采絢遙心。赴空濶。近狀收峭。荷路絕。蹤久迷。境闕勝重選。旣暢
榛穢除。彌快泉脈見。曼然琴筑音。石溜迸如綫。

繇靈石下玉鉤橋尋句曲外史墓

樵歌無遠近。聽之清滿山。送我如御風。飄蕩嵐翠間。松篁杳莫
數。蘿薜紛可攀。百梯陟窈窕。兩崖束孱顏。徐釋苔步窘。行習澗
語潺。緬彼凌雲人。千載遺珮環。摘葉吟許繼。折麻情更關。林阿
掩遙夜。時有鸞鶴還。

登風篁嶺遂達龍井

幽篁不見天。中有山鬼語。諦聽景風泉。潺湲何處所。澄心愜虛
受。清響赴遙佇。峰高望疑秋。樹密步忘暑。屢怵草徑深。終窘屐
齒阻。雲出雲不流。變龍所處誠。邀雷雨。格乞荷瓢勺。許居人

茶利收。僧竈井華煮。眷眷烟在林。習習風吹汝。相送過前溪。遠
鐘飄一杵。

晚入楊梅隴宿師子林

山情悄然孤。招客共雲入。樹古無新香。瀾漫清氣襲。久聞金姥
名。惜欠林果拾。風來韻疎磬。日落閃斜筵。烟中衆樵歸。溪口一
僧立。香火故荒涼。茅茨近修葺。澹泊味自存。精進詣難及。彌勒
許同龕。吾先謀米汁。

曉起冒霧出山沿九溪十八澗抵翁家山

芒屨已枉足。起望還徘徊。迷空排步障。推墮青崔嵬。冥冥窈窕
間。但聞泉響催。習坎心自夷。解駁風徐來。微茫綫流注。明白象
路同時逢。奇峰獻竹影。爲之開山深。土自厚。風古氣更培。雞犬
別成村。松竹爭緣隈。旣幸虎警息。共樂生計該。茶園不苦瘠。隙

地隨時栽。

過理安寺觀法乳泉

嵐氣引西迴。溪流逐南往。亭午空山幽。疎蟬遞清響。入寺陰不晴。杪樞十圍長。空花雜雨飛。軟翠從風盪。作禮繞空幢。聽法造方丈。默攝山君馴。阿師信龍象。神通見彼法。淵照貴吾黨。欲論逝者因。相期在川上。

還經烟霞嶺尋石屋洞

歸步候日昃。涼塗快衣單。遂循峰九折。旋度磴幾盤。風行羣篠碧。煙裊織蘿寒。哈呀隱洞門。眴轉窺井幹。行行穿雲入。軟踏如波瀾。冥示諸佛變。虛拓大厦寬。狀詭絕穿鑿。勢動連蟠蜿。凝膏霏玉乳。叩訣迷金丹。塵埃亮難蛻。林湫良可歡。摩霄仰黃鶴。安能借羽翰。

秋郊晚眺二首

城堞去已遠。亭臯望欲迷。頽陽流影澹。歸翼撲涼低。苔竹橫前渡。瓜棚倒舊陸。蕭閒殊自賞。草履若為稽。亦有伊人慕。渺然天已霜。丹黃羣木合。明滅一波長。萬態紛搖落。浮生易老蒼。笛聲衰草起。隱隱下牛羊。

楊丈硯雨畫梅見貽賦謝

閉門風雪裏。春色一枝來。幽夢分明見。孤山昨夜開。影常橫瘦月。花不落疎苔。他日林泉約。株株似此栽。

雪霽

佳晴物態轉冥冥。畫裏何人屐齒經。老樹悄迷羣鶴白。破窗寒納一峰青。行穿竹隴尋梅隔。溫罷茶瓶續酒瓶。殘滴聲聲敲玉碎。負暄好傍短檐聽。

同人買舟出東新關暮抵橫塘宿胡氏古香書屋明日
曉起由半山橋入三塔觀梅得詩四首

昨夜生春水。乘流放畫船。照人山剩雪。出郭浦多烟。興猛探花
始。吟豪命酒先。誰家籬落近。竹外一燈偏。

艷曲唱橫塘。金尊罷燭房。美人此遙夜。清夢落匡牀。隔戶禽如
語。窺簾月有香。相思雲水遠。心已墮蒼茫。

欲訪梅多處。行逢水盡時。橋迴通曲隴。花好見橫枝。深雪聞遙
磬。春風護短籬。為留香影在。斜日故遲遲。

禪師埋骨地。塔繞萬花寒。明月前身是。青山四面看。齋廚飢雀
下。定樹瘦蛟蟠。試問傳燈意。山僧欲話難。

硯雨丈自三塔歸畫梅數十幅以其一貽余且曰不可
無咏因作二絕句報之

君家畫梅楊補之。吾家畫竹梅沙彌。晴梢雨葉無人會。奉勅村
梅見此枝。

枝枝不用寫橫斜。萬丈花光萬樹遮。不到臯亭人不識。月明如
雪雪如花。

春燕和劉春及韻

今年燕到過春分。依舊營巢補綴勤。破屋數間偏戀我。落花三
月正思君。條條古巷濛濛絮。處處香泥軟軟芹。半日疎簾相待
久。歸來時節又斜曛。

送硯雨丈還京

柳絮滿煙汀。萋萋草又青。去知君莫挽。愁覺我難醒。春水流鄉
夢。天風動客星。江南到江北。吳語正須聽。

黃葉

古水荒郵外。西風葉葉深。徑多樵子踏。秋約酒人尋。遠色明諸嶺。斜陽淡一林。六朝金粉在。付與亂蛩吟。

皇親巷邵家園歌

城西落葉飛如雨。切切陰蟲啼菜圃。比屋難尋列戟家。居民只賸淘沙戶。荒池闐寂不逢人。斷井頽垣跡已陳。爲訪前朝徵故事。頗聞古巷住皇親。皇親舊是小家子。有女深閨嬌莫比。得價甘拋在掌珠。入宮安望還鄉水。才華絕代動君憐。幾暇聽吟紅藥篇。位進宸妃承寵渥。封加壤子受恩先。祇愁身閉葳蕤鎖。眼看宮槐黃又墮。日影空隨鴉翅翻。天顏罕遇羊車坐。烏蟾變換幾朝昏。龍衣親拜娘娘尊。去國思親悲帝子。眼花頭白見神孫。外家尊禮踰前世。一脈金張競看麗。御翰親題堯母門。帑金催建宜城第。車如流水馬如龍。填咽通衢軟繡濃。家恃高明忘鬼

瞰表修恩澤。拓侯封明年。詔起西湖墓。漆棺入地三泉鉅。黃昏路黑閃魚燈。白日雲寒迷宰樹。西風容易過繁華。沁水田園屬那家。隴上已栽楊柳豆。路旁誰問邵平瓜。卽看歷劫山河壞。轉燭興亡同一喟。泣別盤先銅狄傾。負恩塞亦盧龍賣。辛苦池臺幾載營。一朝狐兔竄榛荆。每來喬木風烟裏。如有名花嘆息聲。當時聞道推恩重。婢娟不許江南供。似此婆心造福多。尚應佛號焚香誦遺澤。曾無五世垂烏衣。何處認門楣。飄零金埒銅溝。夢惆悵山樞。蟋蟀詩。

剪橙小集二首

懈天霜信最先知。橘後光陰與爾期。感舊不禁酸一點。吳姬筵上手搓時。

剪刀聲裏脫枝輕。香霧濛濛觸手生。記得花時春未晚。楚鄉細

雨作清明。

雪中吳山晚望

莽莽排羣岫，迷迷漲夕天。白生千樹月，寒失萬家烟。禽鳥各歸去，江湖殊渺然。只疑仙闕近，羽袂振翩翩。

雨霽

一樹晚烟霽，滿階生綠苔。流鶯斜日外，能為落花來。

西湖夜泛

水展琉璃箔，人乘書畫船。蟲聲千葉雨，月氣一湖烟。壞塔黃妃剝，清詩白傅傳。勾留逢此夕，一半藕花邊。

秋日出遊得八絕句

峰頭雨洗夕雲開，屋後窗間亂鬢堆。一笑青山如賺我，十分秋色進城來。

石卵勻圓枳徑通，竹聲_甜北水樓東。幽人來踐西湖約，洗手花邊聽草蟲。

松陰一席看煎茶，老衲長眉鬢已華。不怕秋寒山裏早，白雲如絮裹袈裟。

赤山埠口日未斜，黃妃塔頭烟半遮。擘船竟渡湖南去，秋在一枝紅蓼花。

一桁簷前挂短衣，滿襟涼翠濕霏霏。昨宵風雨前溪路，荷葉遮頭赤腳歸。

老牯一羣角繭栗，扣而歌之聲好聽。牧笛不知何處和，夕陽秋水樹冥冥。

汎汎烟波一道長，扁舟幾日住橫塘。黃花天氣聞新雁，吹冷夜深篷背霜。

老癯紅泥乍拆開雞頭竹下晚涼來酒人好似楓林葉一日斜陽醉一回

偕施藻嵐枚蔡柳堂鵬沈臞菴土鉞入楊梅隴訪三祇

上人留宿師子林同作二首

幽鳥話溪晚林扉掩薄暝好山都隔竹凍磳易藏雲此地茅茨熟諸天梵唄聞來先參米汁佛見也欣欣有僧如此少小住亦為佳明月窺寒榻孤窗逼峭崖燈前落蒼鼠夢裏健青鞋半夜松濤發身疑風雨偕

正月九日再同施藻嵐胡竹城沈臞菴遊楊梅隴用前

韻二首

不負看山約重來未夕曛新正多勝日吾輩沉間雲蕭寺參差見清鐘斷續聞禪師說法罷猿鳥有餘欣

但道山依舊誰知春更佳雪消寒注磳藤長綠勾厓禪味貪蔬飯遊蹤信草鞋經幢摩古字惜未蔡是日期柳堂不至

題趙彞齋雙釣水仙

茫茫如夢復如烟流落遺嫌四百年不盡湘雲湘水怨只憑一葉一花傳王孫何在空愁絕帝子凌波亦渺然回首仙人辭漢日銅盤清淚尚濺濺

秋日雜詠八首

楓樹蘆花照眼秋飄搖身世感浮漚拍天烟水江湖晚動地風潮蟹稻愁落木將寒欺病枕暗燈迴夢入孤舟仲宣詞賦多蕭瑟懶更從人作遠遊

蟋蟀聲殘咽暮烟梧桐影碎落階前樓懸織女東西足戶候蟾蜍上下弦霜冷瑤池纔幾日搓回銀漢定經年分明天上秋先

到傳向人間一惘然

樹老冬青事可哀當年宮闕亦崔嵬豈知桂子荷花後惟見殘
山賸水來銅狄無聲悲露下水犀有力折潮回芙蓉多少秋江
上贏得遊人數舉杯

勢迴龍豬鬱蒼茫海上防秋駭望洋蜃氣噓樓橫馬磧魚鱗刷
浪走鹽倉水仙不信孫恩死沙鳥爭如精衛忙難得天高塵盡
洗一輪端正挂扶桑

風清木冷白雲低平楚蒼然入望迷澤國哀連江北雁天河唱
落汝南雞征人遠夢驚砧杵少婦空閨怨鼓聲聞說玉關三萬
里豈知戍客又關西

三載賓朋愴瑟居天寒眠食近何如疲驢偃蹇空山雨倦鯉浮
沉遠道書禾黍風低田苦瘠薜蘿衣薄帶留餘貧交豈有炎涼

態秋扇唯防柱篋疎

西風搖落滿關河惆悵年華逝水過去國最憐吳客早悲歌無
柰楚人多青衫幾度飄枯葉苦酒經年釀敗荷又是高樓聞笛
處白蘋江上落空波

極北羣山萬笏朝屬車豹尾計程遙帳圍白草宵談虎箭響青
山曉射雕樵採漸平埋骨壘邊防罷唱築城謠長楊未獻相如
渴巖穴何人起寂寥

秋日同人東園小集得鐘字

徑穿野圃少人逢問字屏開載酒從楓葉繁華驚過鳥菜根滋
味聚寒蛩墻低易豁看山眼菴近頻聞出巷鐘瑟瑟蒹蘆風一
片隔池何處採芙蓉

冬菜十二韻

有正味齋詩集卷一終
旨蓄三冬記園官供可能薦辛盤裏未抽甲雨中曾液引渠流
注肥經土氣蒸青蟲飢蝕葉黃蝶瘦穿嗟好藉濃霜壓全和夕
照登多情成把送求益足斤稱擇地攤干本當風挂一繩甕材
隨處覓鹽價應時增丁倒埋塵窖清饒出酒燈咬根宜我輩食
澹比山僧美味甘于肉寒聲脆似冰茅檐逢歲晚此色正須矜

有正味齋詩集卷一終

有正味齋詩集卷二目錄

錢塘 吳錫麒 聖徵

嚴江集

富陽

雨中過七里瀧作歌

嚴州

春草四首

贈王擬園明府 廷勳

寓齋感懷

江亭晚眺

食筍

棚民謠

龍山飛瀑歌

江上泛舟

聞竹城近遊越中詩以寄之

遊天寧寺

韓蘄王將臺三首

胥口

歸舟載茉莉珠蘭數種際晚香氣尤烈以酒賞之

余自嚴江歸聞沈臞菴病劇急往視之但及一執手而

已哭之以詩

湖上看雨

晚泊湯家埠

江夜

江山船曲四首

游高峰山登浮圖絕頂

江岸晚行

漁父詞

秋感三首

寒曉

夜觀烏龍山野燒

待雪

聽雪

掃雪

煮雪

余將歸杭擬園爲畫山水贈別詩以報之

自嚴州歸錢唐舟行濡滯獲覽山水之勝凡六日得六

百言

庚寅春再赴嚴江同舍弟錫麟舟中作

東湖曲二首

子陵魚

午日江上

讀詩經七首

同景笠人大本暨舍弟錫麟登臨江亭作

桐廬晚泊

韜光庵

靈隱道中

秋閣報罷仍至嚴江諸同好賦詩送別舟中人長寄舍

四首

舟行阻風信宿江上三首

釣臺謁嚴子陵祠

江上雜詩五首

遊澄溪道院

祖師庵

晚渡

全栢渡遇雪

雪中經子陵釣臺

鵝港

桐廬道中寒雪初晴月

皎潔

長山隴復雪

身自易耶亦... 賦中寒重... 湘...

賦中寒重... 湘...

書中... 湘...

全... 湘...

湘...

賦...

賦... 湘...

賦... 湘...

賦... 湘...

賦... 湘...

賦... 湘...

有正味齋詩集卷二

錢塘 吳錫麒 聖徵

嚴江集

富陽

人語鄉音雜朝炊其繫船江流成字曲漁陣合圍圓避雨雙鷗
去假雲一塔偏赤亭知不遠颯颯響松泉

雨中過七里瀧作歌

蒼蒼茫茫江一面雨入江光吹不見前灘後灘白如練有風頃
刻七里過無風奈此七里何忽然雨勢挾風至但聽來船爭唱
順風歌我船甘讓來船走好景逢窗相待久望窮寒水竹迴環
洗出青山艫前後牧童自驅黃犢回漁郎正放鷓鴣來笠檐蓑
袂盡鄰舍對江幾扇柴門開丹青未見今見此水外是山山外

水客到先愁無路通鷗飛但見和雲起雲中雨歇山出泉蜿蜒
千丈樹杪懸雷車行空合衆籟雪瀑過眼飄虛煙此時憶殺嚴
先生羊裘孤擁寒不輕我欲松門一杯酌苔荒路滑無人行傳
聞名利人不泊釣臺下扁舟獨縱橫問我胡爲者玉壺買春雨
堪賞尺半白魚新出網飲酣抱甕卧船頭聽得舟人齊拍掌數
枝柔艣劃玻璃百幅蒲帆眼底齊夕照乍明風亦轉行行一路
畫眉啼

嚴州

不斷雲春樹頂鳴眼前催卸片帆明寒生側側羊裘薄風動蕭
蕭釣竹輕塔影迎人趨晚渡灘光送雨入春城荒臺草滿千年
後誰與江山作主盟

春草四首

東風吹轉燒痕蘇陌上青青半有無十日雨晴熏蛺蝶一江水
暖長蘼蕪凄迷如夢如煙裏晚晚飛花飛絮俱多少鷓鴣啼處
客年年腸斷洞庭湖

高接林巒低水濱遠同黠黛近成茵但尋門巷渾無路豈爲天
涯減卻春塞北至今青冢在江南相望綠波新萋萋送別先愁
我不獨江淹是恨人

萬種無名各自芳不關秋到也蒼涼酒杯寂寞澆寒食燕子徘徊
認認夕陽一徑牛羊風簾亂六朝金粉砌臺荒分明恨碧消難
得斷鏃猶埋古戰場

夢醒池塘幽鳥鳴滿簾春色映新晴青袍似我休相妬白髮如
渠亦易生楚客工吟遺佩在王孫不見暮雲橫憑誰寫向闌干
曲一半煙痕畫不成

贈王擬園明府 廷勳

離家三百里來與山水期建德非吾土孟公語何悲我感故人
意不惜行李羈東軒為下榻西舍為治炊令子未弱冠佩玉有
容儀一甥如舅長早能讀舅詩樹木已長成不用相扶持君於
聽訟下時一來銜卮君官亦自貧我貧特甚之相與話蹤跡滔
滔無畢詞君才有根柢我學徒毛皮讀書我已晚讀律我豈知
然知有赤子所當慎鞭笞嚴陵好山水不能療寒飢以我飢寒
故彌為當境思山田歲苦瘠公家賦易虧桑柘見尚稀無蠶安
得絲牛刀付庖丁宰之視所宜聞君到縣日人頌慈惠師其名
不易副其實亦易為也甘催科拙要以文學治清風吹廣袖寧
有丞尉疑白日照公庭寧有胥吏欺此心能慎重民已無瘡痍
知君自仁愛我語徒獻規春雨昨朝過炊煙動茅茨盈庭草新

長雜樹花更滋堂前罷公事長此鳴琴時堂後讀書聲美哉騏
驥兒為吏盡如此此樂不可支

寓齋感懷

瀟灑樓開見畫圖接天煙水晚糢糊家從前日夢中到客有一
星江上孤幽鳥不來春已歇青山無恙骨先癯補唇晞髮精靈
在我欲雲中拍掌呼

江亭晚眺

一片江煙外荒荒落日寒暝光投隔岸詩思起憑欄花歇風生
樹人喧月上灘歸途就燈火前渡正漁餐

食筍

掀泥看筍出頓頓食單俱燕子來三月櫻桃共一厨燒豬渾失
味脫殼倩誰圖幾日南風拂成林尙憶無

江南筍多燕至時
生俗謂之燕來筍

棚民謠

古人受百畝死徙無出鄉食德服先疇愛土心自臧棚民爾何
爲遠適天一方短衣不掩骭泥塗走徬徨亂髮垂兩肩蓬葆吹
飛揚侏離多閩產荒忽雜楚僮冰霜陶穴墜風雨篔簹席擋盤據
山一角苦瘠不苦荒東岡蔣小麥西谷種雜糧所幸賦稅逃所
恃膂力剛其居如鹿豕其人卽牛羊筋骨耐辛苦性情實強梁
此輩驅之可奈何溷善良頗聞黔荆交來往羈苗疆占籍號客
戶隨身齋空囊淫淫毒霧間慘慘深箐傍顯託結納誠潛探肺
腑藏親密似兄弟叛換倏鬼俛誘之欲旣中劫以勢甚張作姦
黨胥吏挾詐欺公堂噉噉訟牘興巧言聽如竇官府持三尺顛
倒朱墨場政未除害馬風乃行貪狼羣生如草木長養蒙春陽
胡爲虺蜴生茲獨承其殃噬膚將及髓剜肉動見瘡氣結無由

申隄決終可防從來經濟術寬賴以猛匡治苗勿去莠厥疾藏
膏育書生非過計子理道其常是邑雖淳樸亦要懲蠹芒小則
憂鬪狼大且患寇攘我肱匪三折君網提一綱清風賴掃滌山
色還蒼蒼屬爲民父母豈不樂太康焦頭悔已晚曲突謀毋忘

龍山飛瀑歌

皎如匹練懸長松。瞥然飲澗垂孤虹。黃華水簾我未見。奇哉此
景今朝逢。人言此山龍所伏。我睹蜿蜒疑卽龍。山窗看山山色
遠。幾日對我雲濛濛。陰陽氣潤蒸作雨。天似有意驅龍公。驪珠
百斛快傾吐。咫尺翻倒鮫人宮。晨朝淋瀝翠微濕。半壁已射朝
暎紅。雲歸似水入山去。水乃化雲浮在空。初時一綫界飛白。若
斷若續高高峰。逡巡而下迷處所。西峰源伏峰之東。峰腰橫截
落泉底。其上倒覆青芙蓉。蒼茫竹栢蔽其下。又訝去路何由通。

寒濤迸石山欲雪。仙籟滿耳天無風。泠泠清似廣長古。浩浩洗我塵勞胸。徑思枕流入山去。明日好策仙人筇。

江上泛舟

理柁寡所營。尋煙歷江曲。心隨僧磬往。迹與漁謳逐。風響林際生。潮痕沙畔縮。當來若爲招。屢轉不厭復。夏木亦自寒。波影蕩空綠。天懷亮有企。人事幸不蹙。淹留習忘疲。斜照疑始旭。蕭蕭泉滿聽。冥峰趁目眷。言蘭茝歡古。調會須續。

聞竹城近遊越中詩以寄之

水雲天與不羈身。鼓棹迢迢發興新。一錘常思埋醉骨。千山獨自走詩人。也應嚴瀨懷良侶。但到蘭亭及暮春。有約歸舟同泊處。滿天秋色大江濱。

遊天寧寺

風生曲徑晚涼偏。翠合危樓鳥鼠穿。偶遇老僧皆白髮。只宜詩句問青天。江山過眼鷗同夢。鐘鼓無聲佛坐禪。搜剔殘碑文字壞。不知劫火閱何年。

韓蘄王將臺三首

古洞飛泉走白虹。高臺大樹激悲風。徒煩狡兔營三穴。真見將軍落半空。鼙鼓聲沉雲壑裏。蟲沙夢雜漆林中。穹碑藉表威名重。纔戰荆源已勒功。

野血猶腥舊戰場。誰驅此輩肆猖狂。青山亦墮刀兵劫。白骨終離花石綱。盜賊有時關氣運。英雄無策救危亡。卽看名將中原在。已有柴車北走忙。

勳業雲臺記爛如。朝端又上中興書。一星此地先生客。半壁誰家老將驢。過耳風雷殊駭世。回頭煙水似留余。清溪賦罷招魂

句猿鳥能來問起居

胥口

遠岫一圭出清江四面低人家在雲裏深竹晝眉啼

歸舟載茉莉珠蘭數種際晚香氣尤烈以酒賞之

灘光清不已一帆搖曳之天晚涼自生碧雲吹參差美人渺何許香意宛在茲依依山水外慰我長相思我飲就船頭月來花影移醉去此何夕滿篷風露時

余自嚴江歸聞沈臞菴病劇急往視之但及一執手而

已哭之以詩

無限淒涼對素琴曾于賤子託知音友朋實有家人意風雨寧渝生死心獨立無端斜照冷此情千古大江深但逢峰巖泉吟處認爾魂歸楓樹林

湖上看雨

青鞋纔得下琴臺忽響南山一道雷雙白鳥邊催陣起萬荷葉上聽秋來涼生漁艇人吹笛醉倚湖光客引杯眼底菰蒲蕭瑟易水龍吟激暮天哀

晚泊湯家埠

落絳煙林夕蕭疎晝不知水明雙鷺外秋冷一星初船板村家屋魚乾野客菹夢聞鸞鶴奏仙路近桐廬

江夜

萬峰壁立大江橫秋色連天露洗清但覺無船無月載不知是水是風行隔汀孤鳥欲同夢逆浪老魚微有聲半夜月沉潮又上漁燈流過蓼花明

江山船曲四首

江山船泊江上頭江山不隸隸嚴州上灘灘惡不愁汝官來捉

船愁復愁

船頭辛苦百丈牽船梢小婦喚同年坐客呼舟子曰同年妻曰同年嫂女曰同年妹一生嫁娶

漁兒女只有儂家九姓船

女兒生小貌如花瀧裏青山比髻了唱到鴛鴦可憐曲爭教遊

子不思家

上灘下灘往復來獨有江流去不回妾願郎如潮信準回頭只

在子陵臺

游高峰山登浮圖絕頂嚴州高峰山即北高峰與南高峰對

南峰無此高高峰面南峙就目翠已明踏葉又幾里尋崖入深

窳人語竄驚雉其顛插浮圖深黑闕奇詭長風吹浩浩雷雨生

足底直窮最上層始復見斜晷瑟縮衣裳寒倒影墮江水荒波

馳四遠帆葉弄尺咫耳亂鈴鐸鳴目眩闕于倚不知飛鳥外秋

色何處止茫茫沙草平渺渺漁歌起子陵不可招參軍今已矣

俯仰千載名虛空一彈指突兀兩高臺青山常不死

江岸晚行

雨霽江無煙滿岸秋瑟瑟老翁打魚歸一蓑挂殘日

漁父詞

江湖初落山月沉半夜繫船楓樹陰笛裏不知何調苦大魚人

立老龍吟

秋感三首

秋氣西來樹木疎登樓極目欲愁予一條江濶明蘆絮九月風

高上鯉魚天地蒼茫窮鳥賦寒暄鄭重故人書田園芋栗收應

早畫裏青山認舊廬

西風莫酒一時休聽雨天涯海
浪遊紅葉黃花催昨日重山複
水送孤舟枯形可惜芙蓉晚冷
語誰知蟋蟀愁甚欲區區懷抱
託隔汀片雪下輕鷗

月落深林琴罷彈美人遙望碧
雲端風煙入鬢儘成老砧杵同
聲送此寒宋玉文章騷體在陶
潛心事酒杯寬尋常物理看俱
足葉自歸根水下灘

寒蕪

夜氣猶未已清寒曉色連
甯羅迷蟄霧星月落虛煙客路長亭
外江流短夢邊但留霜葉在能表日華鮮

夜聞烏龍山野燦

松門月風亂旋山影下
覷窗西偏非星而星山之巔幾點初
若流螢然升之樹杪紅燈懸俄而不見峰側穿嵌又見之電掣

圓一峰突湧亭亭蓮前峰後峰
跼躄連其下一珠龍抱眠烏龍
不烏光蜿蜒赤龍衙衙欲上天
是何草木當赭鞭百蟲將軍界
爾權爾生爾殺爾自專象以齒
焚蘭膏煎蕉夢不醒秋墳邊哀
哉牧火遺荒阡禍并玉石成灰
煙我惜山黛蛾眉妍使彼濯濯
誠何愆有酒欲撰術不仙安得
倒挽山下泉女丁婦壬驅爾駢
遊山明日衣同褰

待雪

辛苦田家爲麥祈漸催寒信到
山扉有時作暝籠深霧忽地穿
雲漏夕暉巷裏豹聲羣犬吠林
梢墨點萬鴉圍朝來要聽兒童
報開徧梅花樹樹肥

聽雪

窗櫺緊護不教看作片成團撲
紙乾大蟹時聞行郭索此君誰

與報平安瓊瑤欲碎黃昏急鶴鶴無譁白戰難折葦蕭蘆應念
到有人江上一篷寒

掃雪

曲背山童似畫灰先開竹徑後松隈一條乍可通幽屐幾點重
看糝綠苔落落難尋泥爪印團團只傍樹根堆不知滑澆深山
裏多少樵人沒甞來

煮雪

天上仙人重玉花人間相配有團茶絕無煙火憐衰徑但說羊
羔笑覺家蠅凍尙能吟鼎竅雀飢亦愛啄檐牙一般風味消殘
臘香放黃梅屋外斜

余將歸杭擬園爲畫山水贈別詩以報之

一番別意託斜暉贈我情如我欲云小雪年時秋作客青山畫
裏夢因君折梅有約憑春信煮酒重邀話夜分明發扁舟江上
望應添水墨寫歸雲

自嚴州歸錢唐舟行瀟滯獲覽山水之勝凡六日得六

百言

夙稟麋鹿姿叨竊山水福後逢低打頭芒屨緊縛足談笑狎滄
溟攀躋輕嶽麓今年嚴陵遊熊魚恣我欲猶留未了緣取快歸
途甬巒情遞送迎灘勢互回復人家重漁釣生理資畜牧烏曙
夢辭林猿夕聲流木夷猶信所往遲速豈煩卜不羨風七里請
緩帆一幅昔聞井西翁于茲架前屋浮嵐與煥翠畫格胸內熟
元胎剖氤氳精氣瀉淋漓往時卧遊觀到此真本讀迢迢富春
渚覽古緬芳躅東西兩高臺各有白雲宿跡甘寂寞守情因慷
慨觸無端泉石區亦入興亡局煌煌赤伏符慘慘冬青曲時來

雷雨奮運去魚龍感大澤羊裘容柴市黃冠戮高懸釣竿綸碎
擊如意竹此爲客星隱彼乃義士哭天地名並垂江山幸無辱
人生求不朽豈慮年壽促從來神仙侶貴以名節勗前途訪桐
君云是彭佺屬延齡無金丹救世有藥錄我生織世累違政慕
辟穀願得多識字醫使骨不俗秘洞何人書蟲鳥篆巖腹夜深
縛炬照驚起白蝙蝠捫之鍾乳凝冷極不可掬天雞俄發唱林
端上初旭不見仙人廬遠訪幽人築一第賜已遲三拜禮殊樸
時有吟聲留和以松謾謾回頭屢傾聽轉眼旋改矚柴埠數百
家土地占豐沃炊煙接冥冥稻把堆簇簇頗聞野人語時清少
鞭朴前日還官租今朝飽脫粟隣舍通欵洽婦子習敦睦田家
無別離歲晚理膏沐門前對遠山依樣畫蛾綠山花畧安髻棉
布潤裁服提攜樂兒女喂飼愛雞鶩默令羈旅人此意憾幽獨

吁嗟遠遊賦豈是幼而學善走逐駢蹄高飛企黃鵠醯雞守甕
天不肯自蹉跎明朝到富陽重向石尤祝遲留傾老瓦醉聽赤
亭瀑陰陽異衰旺冬暖水不縮猶見羅刹潮餘勢極排蹴直待
嚴灘回波瀾始一束腰脚貴及時努力凌冥邈著鞭期祖生破
浪約宗慙千里忘險夷萬象歸蘊蓄行當春水生浩蕩白鷗浴
庚寅春再赴嚴江同舍弟錫麟舟中作
聽風兼聽水三度上江船遠樹霽寒雪一帆明夕煙人耽高隱
地山媚早春天正擁羊裘卧嵐光墜我前好句忽飛到與吟惟予由江山如昨夢兄
弟此扁舟野水爭灘上閒雲爲竹留他年翦燈話毋忘富春遊

東湖曲二首

妾家東湖佳湖水引相思流入西湖去回頭得幾時

湖中新種藕紅白盡開花朵采得蓮子勸郎休販茶

子陵魚

更比銀魚小來逢五月時上灘爭一兩出網罾千絲七箸情何
忍煙波味可知高名肯相借釣竹莫輕垂

午日江上

炊黍光陰感易生寥寥酒客一舟輕魚龍落日空江氣草木騷
人萬古情繞岸野蒲新長葉隔灘花鳴自呼名年年兒女橫塘
會滿耳漁歌夢不成

讀詩經七首

元音肇皇墳密藻振姬代篇什三千多孔筆刪疵類薪傳大小
毛紉繹發其昧鄭孔亦功臣揚黜闡前載采擷山海華辨晰
魚碎後來考亭傳乃出弟子輩青衿廣疑問鹿洞語斯在何至

鄭衛辭專取淫奔穢無邪本詩教序義不可廢

忠厚王業開文武道不變周召以為臣元氣浹之徧蔽芾樹不
伐碩膚貌如見二南始基之篇末有餘眷風以周公終雅以召
晏殿

楊柳送征夫雨雪猶未歸北山歌采芑南山歌采薇三復東山
篇入人情最微行人在天涯那不思其妃婦歎不可知宛然閨
獻歛千秋杜陵老此詣稱庶幾懷哉新婚別三見倉庚飛

我讀田園詩淵明信無匹下而及儲王言語亦樸實要其所本
來風雅提一律稼穡萬萬古耕種無異術盤中一日餐辛苦所
自出豳風七月陳祖德生民述農事以開基所重民之質
詩亡春秋作我思孟氏言株林與候人豈在平王前古惟南雅
頌用以破管絃列國自為風無當金石宣東遷渺西望筍簾生

寒煙音官不達雅體製嗟誰傳樂亡詩乃亡王迹斯蕩然榛苓
竟何慕傷心黍離篇

周南取喬木江漢化所被維楚實有材屈宋斯繼起蘭旌懷美
人薜衣狀山鬼摛華涉荒幻託體自頌始入廟見辟王龍旂望
至止觀其求厥章要卽索祭是搜奇晤古懷寫怨緬秋士騷人
今不見讀詩會微旨

吾家老著作家文庵叔祖弱齡授我詩穿穴箋與傳說之解我頤憶當
盛夏交灌木鳴黃離微微葛粉拆向我衣裳吹我時不解吟亦
復微會之江湖閱歷久十五載于茲我猶青其衿公已白其髭
轅回年五十弟子著于時如我悠悠者空習詩人詞潤色吾不
敢說蓋聞之師

同景笠人

大本

暨舍弟

錫麟

登臨江亭作

渺然葭菼助秋清盡洗雲煙放眼明遠嶺只如空翠合涼湖多
向夕陽生幾家漁舍同依樹一路樵歌唱入城後約江湖情不
淺扁舟重待白鷗迎

桐廬晚泊

不覺風帆遠吹來就此林亂山餘夕照野水有秋心聞道桐君
去于今茗徑深無由相問訊獨對白雲吟

韜光庵

峰頭迷竹色天上落泉聲直闖雲煙入如聞風雨生到門無鳥
語采藥見僧行忽豁登高目江湖夕照明

靈隱道中

一峰高處白雲低人到雲中路已迷衣上不禁秋色冷猿聲啼
過夕陽西

秋閣報罷仍至嚴江諸同好賦詩送別舟中感懷寄富

四首

寂寞孤舟上瀨時一燈重讀故人詩郵程細雨和愁織水枕新
寒祇夢知潮到回頭隨岸曲帆當轉脚怕風欲傷心同作悲秋
客可奈天涯更別離

霜信寒催一雁鳴稻梁辛苦感吾生且拋席帽看山色已悟寬
寰是水聲可惜此來紅葉落所思不見大江橫平生出岫心原
願但乞閒雲作伴行

洗濯塵纓向水涯鷓鴣港口數峰斜樵人斧爛收殘奕漁子船
歸賸落花莫倚竹弓能射鴨且思草屨學撈鰕阻風中酒何曾
慎強自題詩畚晚霞

一樣斜陽下學天堆盤梨栗憶從前與鷗同白依然我此鬢能

青更幾年楊柳蕭疎臨水驛琵琶憔悴渡江船鯉魚今日將書
去流到尊邊定黯然

舟行阻風信宿江上三首

天際檣帆若薺浮艱難始信上灘舟素波嫋嫋秋如此不是蘆
花也白頭

江上村村遠水明西風兩日滯行程肯留人在嚴灘佳不信青
山不世情

可是江空月落時客愁多在枕邊知聽風聽水難禁得更聽舟
人唱竹枝

釣臺謁嚴子陵祠

肥遯先生志祠堂重此州一星終古客落日大江流帝業推銅
馬閒身狎野鷗誰傳男子在徒枉故人求幣乃同湯聘竿終笑

呂投功名輕驥足風雨老羊裘癡甚貽書病狂故洗耳由耦耕
仙侶共立傳逸民收我亦聞風起因來繫榜遊蒼蒼迷萬壑咄
咄感千秋大樹凋名將雲臺失列侯識誰陳赤伏亭已圯無夔
曰髮看遺像青山剩故坵幾傳綿子姓七里聚漁謳頑懦猶能
激孤高不可儔惟應竹如意遺響答峰頭

江上雜詩五首

灣頭小艇竹篙撐兩岸行人喚渡聲著箇烏犍浮水去牧兒橫
坐看潮生
湍急灘鳴過釣臺臨江幾戶竹扉開楓人老作垂綸長一樹紅
衣入畫來
東臺西臺上下古漁家笛家左右鄰烏下如聞樹頭雨風吹忽
見蘆中人

山重水複去帆遲人道瀧中勝武夷一日九迴重又曲拚教搖
到斷腸時

暮煙孤驛樹濛濛滴碎愁心雨一篷昨夜停舟看明月回頭只
在亂山中

遊澄溪道院

日日對山色不知山中幽霜落風意晴遂果茲山遊深林綠相
蔽尺許松髯修裂石走飛雨春溪激回流丹梯進百級步出雲
上頭雲深不見雲合沓羣峰秋秋又數峰外日落天悠悠道人
采藥回見客殷勤留雙扉開竹裏竹杪茶煙浮清響接猿梵暝
光動樵謳豈無煙霞戀惜未襍被謀蔬菓既飽德僕夫俟前邱

祖師庵

鐘磬徐聞絕頂招翠微高可通青霄泉穿竹下峰千尺雲與人

爭路一條敢以症羊疑古佛直將飛鳥視歸樵紛紛紅葉前溪
暗大半斜陽沒嶺腰

晚渡

一鳥入寒色數峰斜照餘江船來橘柚人影雜樵漁落木悲秋
氣浮雲念故居茫茫當渡立薄暮最愁予

空栢渡遇雪

孤帆若無依飄飄就寒浦豈有行役勞及茲感凄苦冥合林氣
肅凍結石棱古積陰如趁人慘異變亭午疎聲表初雪繁響雜
飛雨叢蘆易蕭條豐篠極掀舞來檣雲際辨去鳥煙外數棲止
難預謀捷徑爾何取牽蘿懷美人會見茅茨補

雪中經子陵釣臺

潛安非衆希清氣快獨得千山皓無際留此太古色川迴睇屢

延崖轉寒逾逼洞戶呀然開孤篷落其側客星中夜耀羊裘幾
人識煙波耦神仙巖壑萬寢食恍見白鳳騎因之遊八極

鵝港

泆泆響灘水颯颯吹谿風悄合雲四圍今盪雪一篷微煙孤鳥
絕薄暝羣山空粉墨寫蕭瑟畫本非人工對江三五家閉戶多
漁翁磯頭凍密閉屋裏香醪豐歲晚野人樂旅泊行路窮稻梁
爾安覓飢雁吾其同夫

桐廬道中寒雪初晴月色皎潔

扁舟屢沿轉不厭風水聽况玆雪霽佳片月林外醒寒姿結窈
窕幽壑穿瓏玲雲歸微素合波往虛光停明明帆弄葉晶晶
開屏身在衆山中不知山色
爾何人寂寞仙扉扁攜鋤采藥去歸來已千齡幽夢永今夕雞

唱天冥冥

長山隴復雪

朝發新城港午達長山隴風高破帆張寒勁孤衾擁掉尾逞玉
龍悠揚賈餘勇淒音爬沙續密勢折竹重隱隱辨松杉漫漫失
畦壟今年見三白此地宜首種俗名天麥地人須飯瓮儲我亦詩肩聳
鞵痕沒溪橋去躡樵夫踵

泊富陽郭外遙望赤亭諸山

江上雪初罷悄然人意孤炊煙認遙郭野水停征艫流聲噉猿
急急影歸鳥連自憐歲寒心日暮猶江湖羈愁夢餘積素賞塵
外殊天光徹上下嵐氣游虛無緬懷赤松跡宛對藍田圖佳人
若為招薜蘿思故吾會看三徑埽莫惜田園蕪

有正味齋詩集卷三目錄

錢塘

吳錫麒

聖徵

翁羽齋集

尋春

泛舟出東新關至臯亭看梅

繇金家堰步至崇先寺

悟空禪院小憩遂抵伏虎院

桐塢

月明庵

綠陰

同黃相圃

模

姚春漪

甲

勤黃玉階

基

泛舟至丁家山觀

荷值雨四首

有正味齋詩集卷三目錄

岳忠武王墓

三竺道中

西湖感懷

吳山秋眺

蘭橋

葛嶺二首

湖上晚歸

雲居聖水寺

艮山野望同杭堇浦先生

世駿

倪丈嘉樹

一擊

何春渚

琪黃相圃姚春漪黃玉階倪小迂孫竹虛

錫分韻

讀明史十首

孤山探梅

渡湖至金沙港

遊韜光坐金蓮池上

下天竺寺後尋三生石

晚過集慶寺循普福而歸

錢武肅王祠

癸巳正月十三日黃相圃招同人游祥符寺用東坡九

曲觀燈詩韻

舍弟錫麟將有山西之役感今追昔愴然于懷成排律

五十一百六十韻

食蟹二十四韻

登六和塔

橫山道中

送胡竹城渡江

聞雁

棲霞嶺

正月七日同黃相圃岫雲上人過昭慶僧舍與家西林

先生穎芳茶話

觀燈行同沈梅村赤然作

丁家山觀桃花同項蓮峰朝棻作

清明

百步塘水月老人故居并序

同黃相圃星橋昆季渡湖游慈雲嶺登鳳凰山絕頂尋

御教場故址下山經月巖值雨至勝果寺小憩復游

梵天講寺訪靈鰻井及錢王雙石幢際晚冒雨而歸

待詩四首

謝友人送蠟梅

答胡竹城

送胡竹城渡江
聞雁
棲霞嶺
正月七日同黃相圃岫雲上人過昭慶僧舍與家西林
先生穎芳茶話
觀燈行同沈梅村赤然作
丁家山觀桃花同項蓮峰朝棻作
清明
百步塘水月老人故居并序
同黃相圃星橋昆季渡湖游慈雲嶺登鳳凰山絕頂尋
御教場故址下山經月巖值雨至勝果寺小憩復游
梵天講寺訪靈鰻井及錢王雙石幢際晚冒雨而歸
待詩四首
謝友人送蠟梅
答胡竹城
春風吹柳絮
...

正味齋詩集卷三目錄
 卷三目錄
 詩四首
 答陶竹垞
 謝丈人致融融
 錢塘 吳錫麒 聖微

有正味齋詩集卷三

翁羽齋集

尋春

蓬蓬渾不遠，益益竟難名。
 酒熟花初發，天晴草亂生。
 何來南浦恨，不盡夕陽情。
 破得青山笑，流鶯又一聲。
 泛舟出東新，關至臯亭看梅。
 春風吹鱗聲，搖曳在烟際。
 溯游從迴波，謀野獲新霽。
 柳條綠已舒，草脚青尚細。
 微微臘雪稍稍出，山髻前村暝。
 逾深遠，樹明復翳徐。
 聞鐘磬，招願結瓶鉢。
 契人來，僧語熟。月大寺門閉，三匝繞花身。
 讚以妙香偈。

繇金家堰步至崇先寺

山曉意較寒竹風助蕭蕭青帘隱茅屋沾酒人過橋野氣散
氤氳畔麥已苗流泉出花裏漠漠香暗漂循溪路屢轉寓目春
漸饒塵跡感初構寺為宋顯仁章太后功德院物情榮故條窓前何年樹白雲吹
不消茗椀坐其下其上橫山椒

悟空禪院小憩遂抵伏虎院

策屨快斯遊登頓不辭憊天冷汗已揮松風吹一快翠羽無喧
聲悄然入香界羣花矜玉照光滿路為隘愈上愈出奇晴空萬
相畫雲邊禮塔還鳴泉答幽語山君馴不擾梅祖老當拜皇亭種梅自顯
流始居人之梅祖就佛問燈傳吟詩破禪械斜陽轉花陰色比衲衣壞

桐塢

長松入雲裏見雲不見松直出松頂上雪又迷數峰逆鼻梅梢
白過耳閣黎鐘禪樓據沃壤花氣諸天濃冥冥宿霧并習習微

風從鱗甲忽搖動身疑驂玉龍

月明庵

暝色起峰頂花枝亦生寒遙空湛虛白疑是山月殘踏影入寺
門畫格橫石闌一僧輟誦經邀我坐蒲團風泉肅清聽雲水資
靜觀拈花開笑口彌勒能同歡心遠翫物閒候謝挽景難重遊
約煮笋空林響梅丸

綠陰

絲吹過畫生寒一徑陰陰鎖石闌濃淡似兼烟翠活淒迷不
夕陽殘時聞墜果當堦響略逗餘花借客看惆悵年年秋色
裏馬蹄踏碎葉聲乾

同黃相圃

棋姚春漪思勤

黃玉階基泛舟至丁家山觀

荷值雨四首

荷值雨四首

柳風吹縹碧琉璃湖口濛濛雨脚垂涼殺風標兩公子荷花十里洗頭時

雲影烟光望裏過風裳水佩渺如何忽翻高柳三升墨不是催詩雨亦多

跳珠傾瀉綠盤中水葉香搖面面風窺著荷心最清苦一枝已卸可憐紅

羣峰如畫照船頭歸去閒雲白似鷗波面萬荷喧已定夕陽無語一蟬秋

岳忠武王墓

目極中原地英雄萬古歎長城先白壤半壁竟偷安少保威名重平生忠孝殫君王甘屈膝臣子願披肝克敵除飛到論兵撼岳難義旗天半卓匹馬陣中盤唾手燕雲復迎軍父老歎功將

俸郭令魂已落曹娥姦相方持節書生解叩鞍金甲齊一哭玉帳罷諸團未洗青衣辱翻教碧血寒獄成三字慘人贖百身拚如此風波惡于今墓草乾吟詩酸激烈弔古淚沈瀾雪窖春無色刀環夢早殘中興殊藉藉北望總漫漫箕尾咸悲趙湖山又罷韓老成驚共逝大節要同完日照中天白心留舊史丹關河經百戰風雨有餘酸石鶴迷華表金瓶墜井榦南枝吹不轉遺恨湘林戀

三竺道中

白雲高臥無人行清秋已清天更清投林看下山鳥影曳杖去尋田水聲偶穿松過忘九里喜與石遇談三生隔溪幽唱近復遠牛背牧兒孤笛橫

西湖感懷

雲烟黯黯樹冥冥閃閃歸鴉熠熠螢故國可憐天水碧好山依舊佛頭青風前秋色紛搖落眼底遨頭雜醉醒聽罷權歌人已去不知何處采芳馨

吳山秋眺

身在斜陽外西風望眼醒潮飛千里白煙寫萬家青人畫楓圍岸懷人雁滿汀江湖正秋色落葉不堪聽

蒨橋

山色臯亭一桁浮林梢空翠落船頭橋通小市響流水竹邊數家生遠秋人饌頗饒鮓菜美輸公不少蒨絲投相喫街裏斜陽

滿寫得丹青幾許愁

戴進作橋相婆街

嵩嶺二首

松竹叢中一杖支行盤石磴到荒祠青山蝴蝶飄仙蛻丹竈蟾

蛛養肉芝作命要求勾漏好移家曾畫鮑姑隨飛泉落處生風雨恐是龍歸古洞時

絕壁蒼茫石氣青舊時師相盛園亭圖書小押壺盧印韜略高談蟋蟀經白雁風來秋易冷襄城礮打夢難醒可憐徹夜笙歌樂換得杭州曲子聽

湖上晚歸

一杵鐘聲晚寺催游船齊自斷橋回幾家傍水門初掩漁火生時月未來

雲居聖水寺

聖水宋已名雲居逮元建合并始何年證之失僧券一門別宗支二義了漸頓人語出濃青愈老松愈健寒光吹作雨頗訝老龍噴憑高望江湖萬象納方寸斜陽山更山一一牖中獻和雲

坐蒲團就磬飽香飯禪師期後約欲發梅花願詩懶中峰酬母
笑宿根鈍

艮山野望同杭堇浦先生世襲倪丈嘉樹一擊何春渚

黃相國姚春漪黃玉階倪小迂孫竹虛錫分韻

背郭山影低蒼蒼凍雲臥梯苔徑可覓踏葉寒乍破社宇有神
棲樵歌無鳥和疎林抱沙河一支瀉其左煙荒听草歇日落水
風大幾家閉閉門公事了漁課觀逝感歲遷翫物惜羽過漸然
聞松聲蒼鼠鼠幾箇

讀明史十首

宛同泗上起真人一劍能收無道秦故里風雲資上將新朝禮
樂定儒臣屏濬廣樹心原悔厥衛前知戒早申太息韓彭誅戮
慘也教未造累黃巾

金川門外燕高飛三讓安能掩是非孺子幾曾煩赤烏先生竟
使殉麻衣抄同瓜蔓人何罪萌自椒聊禍有幾元武若知終喋
血早應神策止東闈

一擲沙場萬乘輕蒙塵大難起親征立君幸賴館孫議返國翻
讐叔武迎史上幾人疑燭影殿中半夜起鐘聲朝衣西市功臣
戮榆塞招魂正議旌

闕逆纔除又義兒豹房稀幸漸邊陲主甘魚服危寧悔臣犯龍
鱗死不辭西內久應消礮火南巡無復見旌旗風流郭杜張公
子地下應嗟把臂遲

引上神霄路渺漫京攸異代接朝端忠臣肯死輕蛇膽方士難
生諱馬肝丹藥荒唐求上壽青詞絡繹致高官蟲沙莽莽邊關
苦鸞鶴虛聞下醮壇

雲端闐闐閉沉沉陰壑磨牙虎豹吟名溷黨碑人玷石利窮礦
稅戶淘金釀成蠱氣憂何迫悔到輪臺禍已深相業江陵前日
事幾人末路格君心

宮鄰構禍起恩私委鬼茄花柄共持史縱能言聲亦淚天何此
醉問難知衣冠慘酷同文獄市井喧呼博浪椎七等爰書重論
定羣公碧血化多時

驚聞帝座掩星芒氣運安能挽彼蒼輦下諸公皆肉食眼前羣
盜太鴟張傷心有淚留遺詔披髮無聲叫大荒死節紛紛酬養
士不堪野老話滄桑

殘山賸水畫圖描錦繡牙旗意氣驕豈念金人辭北闕徒聞玉
樹唱南朝羊頭儘許侯封博蝸角猶難黨禍消淚盡孤臣遺翰
在梅花嶺上夜魂招

興亡歷歷炳前符史冊如陳帝鑑圖水火外朝轟穴蟻風雷北
寺肆城狐治分開寶機原捷世數桓靈運早祖一樣匡山波浪
裏幾人不負趙家孤

孤山探梅

曳杖逋仙墓下來茫茫古意滿蒼苔斷雲閒伴鶴無語深雪不
知花已開山好祇今憐寂寞影疎令我益徘徊裏湖多少春風
樹未及詩人此地栽

渡湖至金沙港

理榜遵湖脣信色支魚歌寺
踐宿諾雲姿發高妙申心述去
遠照眷彼寒香情復此采菱
調行行出菰蘆隔渡數峰峭
遊韜光坐金蓮池上

有正詩集卷三
六
躋險尋僧寮梯空健遊屣連山生夕陰竹翠涼十里江光乍西
迴嵐影忽東徙睇遠識因依窮高緬積累習覽居士詩妙語破
禪髓疎葛坼香裊裊藤抽紫空色寓煙蘿澄心悅花水欲果
獨往言逢巢會棲止

下天竺寺後尋三生石

下山路曲盤斜照滿苔迹歸然見雲根云是三生石三生夢迢
迢一水愁呱呱瑤華空自好明月身爲夕竹枝歌已殘何處駐
精魄問石石不言相思積遙碧

晚過集慶寺循普福而歸

暮天澹霞氣古徑吹陰煙披蘿識禪關踏草悲荒阡雲來展寒
帔花落飛遺鈿漆燈照香蛻夜伴狐狸眠南望十二陵冬青鬱
萃華遠時顏色媚感往山河遷妻吟答遙吹哀響生流泉興盡

歸亦得頽陽巴山巔

錢武肅王祠

憶昔披遺像家聲溯五傳重來瞻廟貌明德表千年功業垂諸
史英雄啟白天占星牛斗應覽鏡冕旒懸兵劫悲黃胄君身現
白蓮出奇堪決勝橫槊卽摧堅妖鳥終淪滅神龍信蜿蜒甘寧
雄騎吹王濬下樓船夜月吞沙出西風唱凱還椎牛歡父老衣
錦豔神仙世兆金戈盛勳憑鐵券鑄朝廷尊尙父賓客聚名賢
我亦承餘澤因之採舊編詩書見文采戶口想殷闐霞接三樓
外霜寒一劔邊東南資保障亭埃不烽煙海國爭輸賈江潮亦
避弦民心能共樂臣節在無愆報績常存祀褒忠特賜田祠堂
高入漢文筆大于椽慨念雄圖遠勤思警枕圓野花開陌上銅
彈拾階前山水清如此風雲氣颯然還鄉歌可譜將享奏神絃

癸巳正月十三日黃相國招同人游祥符寺用東坡九

曲觀燈詩韻

門外走橋入逐伴幢前訪古客誰邀僧將十寶誇斯地我亦干
金視此宵蘇院惜無燈火照蓮臺尙剩劫灰焦坡仙去後繁華
盡詩鬢翻愁雪不消

舍弟

錫麟

將有山西之役感今追昔愴然于懷成排律

一百六十韻

東南飛孔雀西北有高樓予季嗟行役吾身亦浪浮別離殊慘
慘道路况悠悠躑躅增新感徘徊數舊遊十年徒齒長一席共
蒙求就傳欽盧植子與弟四事盧集成齊名愧薛收心交盟晦雨笑伴別薰
猶居本青桐巷門通白水溝穿籬添苦笋種樹得甘榴窄袖裁
文錦單衣試綠構童心魚逐隊兒戲馬離鞦韆草尋迷迭攜村

聽鸚鵡蟻珠拈作鳳簪刺幻成猴楮學層層刻冰教片片鏤家
駒爭賞識凡鳥息啾啾如我宜安拙于時又孰尤涕零三獻璞
氣奪萬人散桂碧難燃影槐黃憤灑愁妄期凰足足安問鹿呦
呦不信花翻樣頻令矢脫猴點徒勞鯉額蓄自乏牛波退避逢
秦舍歎欷泣楚囚危巢歸晚燕濁水老沉鱗歲月空磨鐵功名
底附疣幾番煩慰藉何處足夷猶蓉岸停文鶴楓亭控紫駟塔
頽稱慶忌祠古訪錢鏐兩水環衣帶羣峰秀冕旒湖光望超忽
鱗唱極啞嘔紅樹干林畫青帘一幅秋魚羹銀蛺蝶酒乳玉蟬
游清供花前酌香分社後鷓鴣兵鴉蓋窄大戶兜觥觥隔座喧
呼拇分朋暗送闌眼花嗤醉賀口辯數談鄒羅綺當筵合箏琶
信手撈柳枝翻曲子水調換歌頭絳樹雙聲度霓裳一段偷有
時尋邃譜每愛答漁謳昨歲嚴陵路春風上賴舟篷窻借襖被

驛埃聽鳴杼竹色飛青雨潮聲捲白漚浮生幾蠟屐陳迹兩沙
 鷗謝客荒亭劍先生大澤裘悲歌餘恨鳥風物媚潛虬泉石茲
 堪賞衙齋到亦幽主人王儉府王儉府賓客景差儔景差儔良吏無
 如惠斯民喜不媮條驂迎郭伋桑雉樂中牟寒沮人添袴時和
 婦采芣鳴琴消白晝聽鼓擁黃紬玉雪看賢子聖文章仗老謀
 時聞鯉庭對豈有楚人欸一榻青苔冷頻年絳帳留為師余有
 愧結好汝相投粉墨供拈弄江山互唱酬催詩敲梵鉢分火煖
 衣籌飯煮寧牙稻茶烹兔褐甌木瓜思荅詣鳴鳥自搜速敬業
 交為益論心兩不虜友懷非泛泛客鬢太影影世網難終繼心
 輪易轉物本殊潘木雀肯作寄巢鳩小住為佳耳當歸合去休
 還家仍屢空賣字只輕售莫問東方米難樵翁子榷廩將生飯
 紙愆不到乾餼涸轍求升勺餘儲少豆區居常共嶠舍眠即合

蚊疇計屈干房囑心窮五技蠖歧途多坎墮渴病念臞臞去年冬弟疇
 配藥延榆柳驅疴詠髑髏弓將懸影解篋可刮膜瘰縱使全肌
 肉從誰覓脯修艱難勞祖父步歷尚亭郵兩艦移春渚晴帆轉
 越州半生經古道垂老客諸侯菽水歡難得盤匱捧亦羞寸衷
 藏耿耿往事抱恻恻先世承儒素家居絕謗訕患生巢自慕凶
 甚壯于頄月黑驚魘魅雲寒喚鷓鴣刑書能刻骨曹吏只爭昧
 餅市孤三尺楊根土一坏弁山圍兀兀茗水繞液液藉有遺株
 在重依徑寸麻寒裳逃薜荔逸足出罝罽糠粳存殘喘瓜壺理
 故邱漸能成戶口從此衍支流近代錢塘住方冬享祀修路經
 棲水驛船泊仲家甍藁草莖猶綠絲衣色總紅同來澆麥飯相
 與認松楸風雨廬堪蔽冰霜木有樛高曾遺耒耜孫子問田疇
 夙願從南畝行歌答野叟桑梯隨樹靠秧水趁鋤耨葦箔看行

綈蓑衣去飯牛迎，
 貓因食鼠焚鞠為除。
 蠶棧棧收薑芋，
 陸陸刈麥楚淳心。
 安布帛奢願祝，
 颶婁家可無離別。
 人寧有競練躬耕，
 良足樂識字始為。
 憂銳志隆懸，
 雄心樹撼蟬。
 故人多戴笠，
 空谷罕鳴騶。
 飯客矜珠泣，
 金夫恥瓦甌。
 賤思邀貴賞，
 寡欲藉多哀。
 殘夢迷蕉鹿，
 游辭譽盾矛。
 目幾迷步障，
 音未悟筮篋。
 每謂株難守，
 何時檻可標。
 海風鵬翅擘，
 塞草馬蹄蹂。
 甘謝磨人墨，
 翻勞引箭疆。
 相逢誰說項，
 此去本依劉。
澤州劉太守
 序正當寒食，
 時方過孟陬。
 水平挑菜渚，
 香動買花樓。
 桃善窺牆亞，
 楊絲跪地柔。
 曉禽泥滑滑，
 新火烟焯焯。
 偏促行裝早，
 難憑好景勾。
 載驅誠鹵莽，
 所往幸莊馗。
 汾曲其民儉，
 河東厥草蘇。
 雁門通朔漠，
 參次接奎婁。
 九曲羊腸坂，
 千尋龍子湫。
 谷名仍雀鼠，
 關勢足貔貅。
 兵甲時無警，
 風雲氣特遒。
 寒郊響鈴鐸，
 落日急箴箴。
 處處田宜火，
 行行野有芻。

衣裝藤製笈，
 劔具削為緜。
 險隘宜停騎，
 波清慎駕樓。
 催愁輪輾轉，
 話恨鳥鈎輻。
 未習風塵慣，
 先經雨雪漣。
 客程情黯黯，
 村店臥齣齣。
 撥火鐺無脚，
 開餐匕有揀。
 倦童偃七銜，
 疲馬戀樓簾。
 夕宿星搖穗，
 晨征月挂毬。
 晉祠應到矣，
 風峪可經不。
 莫厭藤蘿密，
 煩將金石搜。
 經幢參梵夾，
 譯字辨鞦韆。
 相里求遺老，
 沙陀問種酋。
 山川唐與晉，
 著錄趙還歐。
 過眼資淹雅，
 當前費討蒐。
 所貪無寶貨，
 卽此是琳球。
 古蹟關興廢，
 長途易逗遛。
 才方需李石，
 榻久待周璆。
 定有投膠合，
 應勞借箸籌。
 疎巾折鳥角，
 香幕捲青油。
 道匪逢時貴，
 人期不我譎。
 獨憐當渡樹，
 望極倚閭眸。
 甘憶羞飴蜜，
 勤思滌廁踰。
 斑衣堆粲粲，
 愉色寫悽悽。
 孝在終身慕，
 恭先一命僂。
 能賢真汝美，
 有美亦誰侑。
 小別情難訴，
 含辛目屢揉。
 平生相友愛，
 何日致綢繆。
 芳草吟康樂，
 南山夢子由。
 花開花落緩，
 燕去燕

來稠鳳紙徒將意 驪歌怕觸喉 聯枝悅棠棣 接翅豔鶻鴛 腸繞
九回轉 詩成四角周 雨簾垂寂寂 風篠弄颼颼 欲網傳書鯉 相
思杜若洲

食解二十四韻

秋高稻登場 露白葦被賺 郭索時正肥 橫行名不忒 戟張待潮
回甲縮愁霧 掩處穴亦善 藏輸魁母乃 諂江空幾輩 出夜靜一
燈閃爬沙去 蕭蕭入齋視 睽睽牽蒲利用縛 擁劍行就斂 沫沾
筭箸多價入 吳市儉活眼 茗破煎繁聲 松受廳及時 俊味登留
客食單 點看燈候 尚遲洗手方 預檢漉以井 華澄蒸之糠 火燄
添香配薑椒 佐饌雜菱芡 對菊影玲瓏 泛酒波瀲灩 螯強干慣
持膏膩指爭 染碎紋壁虎 斑圓蓋揭鬼 臉紅鮮頰蛻 珊黑細面
著塵金瓢取 中滿玉質泯 內玷大嚼外 骨堆細剔 佳境漸分橙

袖觸馨擊鉢 韻關險烹嗤 蔡君訛瘡借 秦客榘尖團 賞各殊 糖
蜜味轉 貶談深更屢 催客去戶初 居授柴寫餘 聲月上蛾眉儼

登六和塔

攝袂振江風 攬身上七重 鬼神森戶牖 雷雨逼虛空 大地毫光
涌 諸天鈴語通 估帆看不盡 吹過海門東

橫山道中

路轉江初盡 陂高竹漸饒 溪雲飛挾雨 山葉走爭樵 誓墓文猶
待 誅茅隱孰招 但聽行得得 策蹇度危橋

送胡竹城渡江

西興渡口訪君鄰 買酒須教破百緡 如此秋光不能醉 丹楓笑
殺過江人

聞雁

塞北聲初到江南客未眠懷人人不見吹汝落燈前

棲霞嶺

七十二蘭若安禪在此峰經聲多隔竹雲意不離松踏葉去時
誤聽樵行忽逢名山解留客嵐翠鎖重重

正月七日同黃相圃岫雲上人過昭慶僧舍與家西林

先生穎芳茶話

東臯隱君子天竺古先生磬外招雲到林中
共鶴行梅花人日白春水裏湖清坐久茶頻煮微烟拂鬢輕

觀燈行同沈梅村赤然作

請停踏燈曲聽我觀燈行傳柑纔罷元宵宴連襪來游不夜城
一條軟繡吳山路行行不斷衣香度氤氳散作萬家煙縹緲聚
成三里霧銀花火樹層復層四圍簇擁明霞蒸途分寶馬香車

出價合南油西漆增銅街蹴踏喧塵土還往渾如迷處所竹騎
爭迎太守旗秧歌賭唱田家譜東風吹雲雲不行半天捲起皆
春聲樓頭處處吹瓊管院落誰人奏玉笙玉笙瓊管朝朝聽此
度尤添少年興魚龍曼衍水如飛星斗盪搖珠不定美人家住
大道邊晶簾乍啟側花鈿貪看陣陣紅燈好要祝年年明月圓
年年難得豐登樂三五良宵及時約比戶通明坐屨窗重闌談
蕩開魚鑰武林舊事紀繁華舞隊依然南宋誇雪滾萬團蛾放
鬧雷轟十棒鼓催搥蟾蜍下與燈光并和月和燈千萬影徹曉
安知蠟燭灰燒空不許姮娥冷可耐笙歌散舞筵可堪羅綺歇
華年閨燈也慣杭州謔閨燈實錄 鄭虎臣撰買夜徒輸使宅錢清平宮長司
民好豈料窮檐轉嗟悼枉教皮裏竭脂膏誰向田間照虛耗自
笑書生計已遲夢梁一枕醒方知卽看淚液銅槃後何異燐飄

蔓草時駝頭雁足紛何限墻脚塵埋難到眼回首朱門幾椀燈
此是中人十家產

丁家山觀桃花同項運峰朝菜作

尋源獨自到桃關花氣多迷夕照間寒食光陰宜白舫春風顏
色在青山亭空古翠沾衣重路轉明霞照眼殷不待重來
改臙脂石上已斑斑

清明

野塘花落亂鶯鳴春色園林綠漸成深巷幾家插楊柳薄陰連
日為清明流連世忘看分火兜惹童心聽賣餠我是常年逢冷
節新烟開在水邊生

百步塘水月老人故居 并序

出艮山門外有塘曰百步寒水相繞漁煙遠生塘上有水月庵

即老人故居也老人姓孫名文字文石號水月會稽諸生
隱于杭榜所居為梅園性恬靜一介不取聞為長短歌詞問其
年嘗稱九十髮盡禿人多以僧呼之瀋陽范忠貞公撫浙老人
曾從忠貞大父游時忠貞尚幼老人撫其頂曰是兒當建節吾
士吾猶及見之至是忠貞母太夫人言于忠貞遂物色焉久之
始得屏騶往謁談論數四捐俸為建百步塘勒石紀之時西溪
多虎患老人與忠貞言每曰山頭大蟲任打門內大蟲休惹及
忠貞遷閩督老人又言曰耳後火發時須要有主意其後忠貞
竟死耿難老人素不喜與世事及是人以為前知爭就之七八
益厭惡避去不知所終士人交其居曰水月庵尚老人若僧象
名緇徒奉之為香火院王阮亭先生池北偶談稱之為水月和
尚未為無據暇日借相國春漪過其地乃賦此詩

老人非隱尤非僧 任呼牛馬我盡磨 一椽棲托太平里 太平無
事吾無能 梅花開時自題句 閒寫影疎香暗趣 自有中丞勸唱
來一夕 高風動行路 大蟲門內勢已成 耳後獵獵蒿火生 海風
千里吹碧血 老人乃得前知名 山空木落老人去 雲護柴門白
于絮 老人不歸已百年 春來人識栽花處 老人老人神仙儔 家
中但有衣冠留 夜深無人鶴不語 明月自在波中流 茫茫水月
無留迹 香火何人表 幽宅懷古來 尋百步塘論心爲證 三生石
同黃相圃 星橋昆季渡湖游 慈雲嶺登鳳凰山 絕頂尋
御教場故址 下山經月巖 值雨至勝果寺 小憩復游梵
天講寺訪靈鰻井及錢王雙石幢 際晚冒雨而歸 得詩

四首

露白湖氣深 葭水渺 艣棹漁謳發 清曉聲若在 巖際叢樹秋不
晴涼翠白相 霧絲雲何處 雲一角露新 髻臨水愛沿河 登山極
迢遞 路從萬竹中 轉入一條細 上上及翠微 香氣雜松桂 下視
前渡人 樵販亂無次

豁然出山坳 人影在空翠 江湖含縹緲 萬里動秋思 其前御教
場昔者屯女騎 君王樂燕閒 兵戈託游戲 豈知跨驢人 日灑中
原淚 事往不可追 夕照寒滿地 鳳凰亦何哀 空山激松吹

前林答遙響 飛雨沾我裳 雲煙所聚處 但見竹栢光 古月隱薛
蘿 曾鑿興與亡 蟾蜍不自老 桂樹何蒼蒼 勝果說人天 金仙亦
渺茫 我坐茗須喫 我行筇便將 落葉下如雨 不雨聲更忙 撥葉
出門去 四山但寒蟄

幽人行未已 忽聞煙外鐘 鐘聲渡湖去 煙色含雨濃 一犬吠客
來 一僧持衲縫 流連文字古 共挂幢下筇 乾德之所遺 苔已千

年封讀之惜未終寒雲斷諸峰靈鰲示神異天矯其猶龍吹水
散巖下膏沐明書松沿松取歸徑脚底泉淙淙

謝友人送蠟梅

今日蠟書到先將梅信傳清臞見黃面風味逼殘年淺水銅瓶
冷斜陽梵磬圓素心合珍重相賞酒尊前

答胡竹坡

濕薪燃火煙塞屋詩人忍飢瘦于竹百賢一豆貧馬嘶韓幹悲
之爲畫肉故人憐我徹骨寒招我飲酒開心顏綈袍能令粟膚
煖不比狐貉徒爲看出門一里西湖口落日漁會挂楊柳與君
聯步唱新詩誰信家無米一斗君言子已登青雲明年去踏長
安塵長安公卿能識士子可自信非人云春風信肯吹桃李行
李區區須料理冷雁飢鳥啼向人感君急人如急已乞鄰不取

微生高書錢一微令我豪山妻治裝夜常辛苦要我離蓬蒿
車馳馬驅人不少古木輪囷十圍老生珠之水生玉山欲往從
之何處好君爲我唱歸朝歡我答君歌行路難黃河北去沙漫
漫凍陰天地三日雪游子衣裳那得乾

良鄉

寓揚丈硯雨海藏書屋

燕京雜詠六首

春榜放後作

五月四日

乾清宮引見館選恭紀

十九日被

命入

武英殿分校恭紀

呂紀畫鷹歌

七夕雨四首

蜀鏡詞

同張瘦銅舍入填城南道院看菊二首

景州

曉發高唐

臺莊登舟作二首

虎邱

正月十八日飲高秋厓

觀海

宅時積雨初晴同胡竹城

金篠廬

成棟

沈梅村潘亞江

世鼎

朱西厓

應登

分韻

曉過秀溪橋

月夜過泖湖

水繪園看牡丹

下沙

青村港

蘆隱庵

夕泊楓橋

無錫舟中望慧山

奔牛道中

揚州四首

集寒香館聽林九標李吹鐵簫

隋苑行

和江橙里詩光福山中雨霽曉起書事

將還西湖盧竹圃謨招同朱二亭貧餞余于萬齋分韻

二首

同胡竹城沈蕪村潘亞江朱厓湖上看芙蓉分韻得

添字

雪中周澄詩蘇塔邀飲偶成

上元後小園梅花未開

雨中何春詩招同陸篠飲解元飛陳玉池明經淮集

香小山居觀紅梅作

假滿還京作四首

五門

月夜同陳玉池何春潛登慧山望太湖作

廣陵雨中管齋曰詩招同閔蓮峰華陳古詩京

林鐵方密庵葉詠亭天賜生詩江劍潭

家慕橋詩集彌勒庵分韻

同金樞亭教授兆家並山山長詩雨庵與竹溪

上人茶話

高郵

淮陰舟中曉雨

渡河

雨泊鄧家牖是夜水暴漲

泗亭

仲家淺

濟寧竹枝詞二首

東昌二首

臨清有感四首

獨流口

津門海船歌

三岔河

香河晚泊望隔岸遠山同舒古廉賦

有正味齋詩集卷四

錢塘 吳錫麒 聖徵

解褐集

鶯脰湖曲

煙蒼蒼水茫茫春風吹杜若香問前路阻且長思美人波中央
美人粧成明鏡裏清歌未斷行雲起片帆直指雲中來鷗夢紛
紛渡湖水思美人來何遲問前路行自知日暮相思千里遠明
朝又是長洲苑

練湖

春水環三面人家住竹溪舟師下帆去沽酒練塘西

舟泊丹徒同沈梅村遊通元觀登挹江樓作

大江東去水悠悠烟火千家繞郭稠客子登臨悲落日神仙居

處愛高樓春
生紅樹三山迴書寄青天一雁留津鼓忽喧京口
驛峭風齊見
布帆收

春水渡揚子江

斷渡巔風一宿留今朝安穩送行舟晴帆歷歷鳥同去春水茫茫人欲愁近寺鳴鐘如上界高歌擊楫向中流澄江萬頃明于鏡照我魚龍影裏游

高郵

山採微雲秦學士蘇門誰與敵才名思君我欲發高唱三十六湖烟月生

淮陰釣臺

綠盡王孫草王孫竟不歸至今垂釣地惟有白鷗飛一飯終酬母平生肯附豨烟波無恙在應羨子陵磯

驟車謠一首

鐸郎當輪輓此車前驟奔後驟逐風雪天寒驟欲哭來日大難泥深沒足獨漉漉

朝行登高岡暮行涉河梁世途坎窞不可防往來遊子心悲傷美人相望隔千里車輪只轉迴腸裏

南池謁少陵祠

玉露悲秋客麻鞋泣血臣古今推作者忠愛見詩人舊日南池路祠堂芳草春不須嘲飯顆憔悴爲風塵

太白酒樓歌

玉京下謫飛仙人樓頭一醉狂子春錦袍烏帽歸何處繡棋雕題空自新雪花如掌穿窓牖安得一杯常在手白雲樓角水樓前倒看青天插北斗高吟白也詩動我長相思古時月比今時

好照見狂歌被酒時
善生元兀搖柔翰安得隨君遊
汗漫縱博壺邀玉女投
行沽佩解金龜換倚闌
日暮遙相望雲車風馬紛
翱翔嵩阿把臂丹邱隱
鑑曲論心賀老狂東風吹
開烟漠漠軟盪琉璃春一
箔縹緲凌虛跨白鬣蒼茫
對面招黃鶴黃河如酒從
西來那不壘麴成糟臺十
千莫論尋常債三百須傾
笑滿杯君恩遼遠沉香隔
異域飄流夜郎謫人生頃
刻異悲歡此地依稀戀魂
魄持觴灑灑招酒星相勸
莫放今朝醒湯骨直接滄
波濁洗眼全收岱色青萬
古才名孰能敵但有此樓
須此客聽松前度隱居笙
乘月他年羽衣笛回首青
山風雪聞謝公顏色可追
攀騎鯨謠送仙人去汶水
城南嚮復轡

良鄉

密塗轉涿鹿

補水縈鹽溝驅車遵故迹
幾折何其修陰寒積遠

嫩陽暉開荒邱森森女貞木
湛湛青瑤流懿彼葛王妃
令節敦千秋芳藟薦瑤席
神風肅珠旒白雲來何方
能起山水愁名義苟不飭
閭世誠蟬蛸

寓揚丈硯用海藏書屋

先生本高士人海此身藏
老屋數間在落花三徑
香論交到竹

先生寫枯木竹石
為海藏三友圖

有詠即滄浪為我清談久
簾鉤下夕陽

燕京雜詠六首

辛苦研都十載來
喜看宮闕鬱崔嵬
大東雲護龍身入古北
山蟠虎氣迴地近諸王
連第宅天濤太液見樓
臺即今統馭無中外
圖畫朝元萬國陪

興朝人各効驅除何待
菹符鼎沸餘搆黨勢先
沉白馬漏師機早伏多
魚酒尋舊獄澆殘後曾
識殘灰話劫初千古紫
陽稱直

筆待修綱目續麟書時館上有修明紀綱目之義

使者求書出 禁林儒生奉

詔起江溥賦知

帝賞凌雲意筆望臣輸晝日心萬卷長恩窺亦駭一藜太乙照

難任文章矢報休輕說忠孝須從六籍尋

吉語年年到 紫宸卽看井絡厭烽塵一軍猿鶴悲君子六月

旌旗仗老臣粟轉青天籌不易略通黃石決如神

虞庭聽報頑酋格干羽真勞舞七旬

樞庭事豈外人知雨露頻聞荷

聖慈方進衣冠稱醞藉贊皇文字合機宜賞兼勲格超階迹捷

待軍書退食遲翻念西征諸將苦兜鍪畢竟遜毛錐

功名無夢到旌旄意氣難消北地豪萬帳秋風盤馬健一臺落

日暎鷹高爐頭技癢因聞筑市上顏低爲賣刀聞道公卿多結

客可能延攬及蓬蒿

看榜放後作

驚雷一夜魚燒尾矯首龍門許共飛豈有奇文高輩行遙知喜

氣動庭闈嚴親憶遠方占夢老母憐寒欲寄衣今日天涯差慰

藉祇應游子倍依依

五月四日

乾清宮引

見館選恭紀

御苑先期回

鳳輦

時駕在北苑以引新進士先一日還

見形墀咫尺觀

龍顏何圖白屋單寒士得入 丹毫點注聞仙露飛來沾小草

天風引到卽三山祇慚未竟詩書業便許叨陪侍從班

十九日被

命入 式英殿分校恭紀

五月薰風拂玉除校讐身喜傍

宸居青氍舊是臣家物善本今窺祕府書自愧冷螢光有限

敢矜落葉埽無餘花間每聽傳清漏

賜食鑾坡正午初

呂紀畫鷹歌

悄然月沒空堂黑古木槎枒陰氣寒森森霜雪逼肌膚漠漠烟
沙迷粉墨是何神物能絕倫落筆意已無風塵乍掀素練過如
影直掣金鞵立傍人林良死後良工絕紀也丹青得其訣峯尖
恰受爪雙拳草際但防睛一瞥是時星正瑤光流變化偶爾人
閒留俯視蒼茫羣壑接側身瀕洞大江秋座中賓客齊傾側重
剔銀燈看逾好驚極方知態故開神來偏訝形全槁細筋入腦
肉角生暗際鳥雀都無聲將軍颯爽英姿發俠士陵嶒俊骨撐

雞走狗寧堪一出中原先騁健辟易同驚興霸鈴老養不
讓廉頗飯胡沙九月塞草枯十里五里黃雲鋪大旗日落臺邊
瞭畫角風高樹畔呼羨君手握霜毫起寫出雄心匪形似三驅
直欲盡禽還一擊常懷不中恥疾惡如風世所無卽論用意豈
區區爪牙防衛需祈父梟獍驅除付郅都功成狀爾收身早畫
者年年官已老金帛新恩荷籠褒興亡前事傷懷抱天鵝一曲
彈白翎戰爭未歇琵琶停廢苑渺瀰飛放泊闕坊寥落海東青
工執藝事畫亦史那不禽荒警天子幾時聽諫匿懷中何日解
縑縱雲裏長楊羽獵今乃休奇毛莫向圖中求隔簾暖雨催耕
早飛入桃花化乳鳩

七夕雨四首

黃昏簷際送潺潺入耳如聞響珮環天上也吟神女賦催教暮

雨到人悶

節物空催笑靨開
匏瓜架下濕雲堆
兒童戴得青荷葉
牛鼻浮涼渡水來

堂前積水暗生瀾
咫尺紅墻欲到難
莫是銀河齊滲地
翻教天路一條乾

鵲羽沾濡候渡河
悵悵惜惜夜如何
明朝驗取悽惶淚
灑向牽牛花上多

蜀鏡詞

鏡徑三十六分重十兩有半背作寶相花八盛捧雙魚海螺之屬銘曰鍊形神治瑩質良工當眉洗翠對臉傳紅如珠出匣似月停空綺窗繡

古鏡蒼涼秋一片
鏡中之人今不見
三十二字銘在陰
寫翠傳紅過如電

麗情記自張君房
王家阿婦承恩長
菱花但照顏色好不照
國家興與亡
嘉王洒悲涕泗橫
諫書上著蒲馬卿眼前

全鑑不知貴
乾德匆匆了此行
綺窗繡幌都安在
千里山河一

朝改鸞鳳徒聞泣
玉臺蟾蜍已分沈
滄海土蝕苔侵又幾時
塵掌祇益後人悲
蛾眉夢斷狐狸穴
金盃人隕那得知
自從花落芳林園
賸有鶉啼三趙村
莫笑武當山上鏡
山精獨自拜黃昏

同張瘦銅舍人填城南道院看菊二首

頽墻短短堆壞瓜
苔花斑斑落葉遮
道人獨立瘦于鶴
風帽一枝秋色斜

籬邊來往戀秋光
冷雨催人去太忙
我與黃花期後會
青菱紫蟹作重陽

景州

郵亭隨處感勞勞
搔首先愁欲二毛
雪沒短橋人認路
燈明小店馬奔槽
寒杯醺醺傾難醉
貧女琵琶唱不豪
醒枕如聞洗兵

馬長風絕頂樹聲號

曉發高唐

荒雞號夜半疲馬嘶門前燈火出門去迢迢聞馬鞭寒氣積大
野陰雪生微烟峯頭月已沒三五星粘天漸有趁墟人出較林
鳥先行役劇辛苦負販無息肩冰霜同閱歷役役此百年誰為
勞者歌風急聲吞咽

臺莊登舟作二首

耳根鈴鐸未全休眼底帆檣若薺浮十里水風寒撲面白鷗影
裏上扁舟

絕無人處艣聲過一路霜清縮後波貪喫鯉魚滋味好計程五
日渡黃河

虎邱

清流演陂池迴陽翳松柏湛然見瑤華千古此片石 秦孰凌
編觀海眩竒迹猶想虎氣騰一劍割寒碧登臨感歲暮願賦
今昔美人已逝波芳蕤闕靈宅樹禿雲自棲苔荒雨微積言諷
山樞詩曼來不能釋薄從鷗鳥遊聊與同所適老僧期未還烟
深一鐘夕

正月十八日飲高秋厓

觀海宅時積雨初晴同胡竹坡

金篠廬

成棟

沈梅村潘亞江

世鼎

朱西厓

應登

分韻

即看梅樹易花飄忍不春杯及早邀過眼江山談往日落燈風
雨罷今宵酒人憤作浮雲笑豪士翻愁短燭燒羯鼓幾家猶未
歇檐前缺月不禁描

曉過秀溪橋

一鳥導帆去清溪幾曲過竹光因水淡柳色受烟多塵外吟招

隱風前聽伐柯惟應鷗鷺侶結實在空中波

月夜過泖湖

沙鷗熟眠不可呼明月欲出秋滿湖煙中割藥有人去但聞幽
響生菰蒲天空岸潤望無際倒浸幾點星模糊征衣颯颯風漸
繁涼宇蕩蕩雲先通銀盤浦上浪花頂萬頃盡化琉璃鋪虛涵
荇藻透空洞淨洗耳目生清娛暗潮嗚咽蚓竅細遠樹蒙密牛
毛麤乘流東指海門近咫尺身似凌蓬壺馮夷恟恍弭逆節鮫
女倏忽馳明珠珠光水氣盪摩久夜闌變滅隨須臾僧鐘遠聽
發山寺林鶻驚起盤浮圖留人旅夢歸不得漁火一痕汀外孤

水繪園看牡丹

雲霞天借作花身玉珮斜翻錦幅新如此色香纔絕世平生富
貴不因人聞歌暗解欄前恨帶酒濃酣夢裏春占得江南佳麗

地肯教輕染洛陽塵

下沙

日落青楊渡人來黃浦船春雲寒帖地海氣濕粘天就樹支鹽
舍占花課木棉村巫方祭賽擊鼓社團邊

青村港

水轉村梢作勢寬櫂停沙尾帶煙攢蘆碕日落蛙喧夕麥隴風
生雉護寒歲熟比鄰筭社酒波長中路乞漁餐畫圖儘有倪黃
筆莫但華亭一派看

蘆隱庵

一庵臨曲渚四面種青蘆山日暝將夕水風喧滿湖生涯幾併
鉢伴侶半鷗鳧招隱詩吟罷伊入定可呼

夕泊楓橋

客行難計程
艤舟又前渡
酒醒一聲鐘
月黑楓林樹

無錫舟中望慧山

身在水雲際
涼生衣上秋
九龍山不遠
吹雨到船頭

奔牛道中

眼色前山來
平林織烟縷
荒草長于人
牧兒臥秋雨

揚州四首

落日邗溝繫
客篷繁華世界盡
圖中春留歌吹
江城艷天富
魚鹽海國豐
廿四橋通來往近
二分月照古今同
紛紛騎到仙人鶴
多要他年志寓公
會傳西北有高樓
草滿苔荒問昔游
風軟錦帆迷
殿脚月涼水調咽
歌頭楊花吹去都如夢
螢火微來已是秋
惆悵鬪雞臺下路
相逢偏起故人愁

淚灑新亭拜表行
竟勞丞相駐燕城
一軍轉戰晨傳箭
四鎮喧

呼夜縱兵地
洗烟花償小劫
人騎箕尾應前生
衣冠葬處梅開早
爭得南枝鐵骨撐

戎馬江山跡已徂
槐安眠夢感今吾
慳風澀雨錢刀會
人影衣香士女圖
帝子樓空飛冷蠹
大儒坊古簇青蕪
宰官各有歐蘇慕
一瓊寒泉薦得無

集寒香館聽林九標李吹鐵簫

一聲飛怒鐵吹月
出林端木葉滿庭
落碧空如水寒
龍吟清與戛鶴骨
瘦同盤吳市年年
客孤心鑄出難

隋地行

江南烟水浮空遠
流盡繁華去不返
扁舟昨夜向邗溝
千古傷心此隋苑
荒涼隋苑夕陽斜
彈指光陰記邗家
苔綠祇憐埋翡翠

翠風寒無復唱琵琶。四度當日爲天子，別院離宮並雲峙。翠華
有詔下江都，一片香風錦帆水。玉姬空有諫書陳，舊院葳蕤閉
內人。洛北薜蘿徒寫怨，江南楊柳自宜春。楊花柳絮渾無數，粉
氣脂雲迷處所。長安開殺羽林軍，龍舟載得蛾眉女。臨江宮殿
鬱岌峩，畫箔晶簾貯阿嬌。扇障半蟾森雉尾，冠分百葉簇珠翹。
朝來親御凝暉殿，劍履羣僚共陪宴。螭髓麟脂照座明，霜戈雪
警依花見。酒酣步上釣魚臺，芙蓉鷗戲江烟開。深宮不鑿貫魚
龍瀛海，誰知赤鯉來。年年行樂無時已，一曲還催水調起。甘四
橋頭簫管繁，秋風早已生羅綺。聞說新宮又進圖，連綿複道盡
金鋪。粧臺巧製翻荷髻，寶帳高懸照夜珠。自古女戎能召禍，荒
淫從此人間播。春燈小市賣紅羊，夜色欄杆放螢火。隨藍吹散
梵王筵，舊夢空尋批。率天撫頸最悲青，鏡照此生竟付白龍纏。

關心蕙質如煙滅，杜宇無聲暗鳴咽。遠岸山堆五劍嶽，荒臺花
染千年血。花影山光似電移，珠襦玉匣悔應遲。至今清露梧桐
下，誰見凭肩私語時。蓬萊方丈無人主，牧豎徒來拾斂股。帶古
蛩啼禪智田，埋愁草滿雷塘路。迷雨迷雲暮復朝，煙花南部總
蕭蕭。二分剩照揚州月，萬感難消胥母潮。

和江橙里助光福山中雨霽曉起書事

宿雨淨洗琉璃天，鳥聲催醒幽人眠。林端已放一梢日，花外不
知何處煙螺髻。盤盤擁涼翠，瓶筴格格烹新泉。吟詩如在香雪
海，名山有約期他年。

將還西湖盧竹圃謨招同朱二亭質餞余于寓齋分韻
二首

日落聞寒雁，波荒老白蘋。還家翻惜別，識字敢辭貧。生計饒齋

籍狂名誤酒人煙波同夢寐預要卜鷗鄰

尚憶荷花候相逢在竹西及茲垂柳盡重聽暮鴉啼歲月消奔
走江湖重品題水霜知有日珍重此杯携

同胡竹城沈梅村潘亞江朱西崖湖上看芙蓉分韻得

添字

湖風一棹鏡開奩花上新霜昨夜霑寒木吟成人已去折枝畫
出鴨須添寒粧容易顏頻換醉貌分明酒不嫌惱殺老漁頭盡
白移船獨自賞蒼葭

雪中周澄源妹婿邀飲偶成

如此團圓會都驚老大身友朋同學少兄妹兩家貧鰕菜憐鄉
味冰霜感旅人即歸能幾月珍重笑言親

上元後小園梅花未開

憶曾相見此垂垂那不春風日夕吹明月生初難得影青苔立
久若為思繁華易老多方惜冰雪能禁獨出遲看到一枝香意
動前村定是落花時

雨中何春渚招同陸篠飲解元飛陳玉池明經鴻賓集

小山居觀紅梅作

茅屋曾從畫本看春渚有小山居圖買春更約玉壺寬名花留殢三分酒
好雨攏和半晌寒簷溜急於傾鑿落香光濃欲壓闌干詩人北
郭他年憶合例南湖上將壇

假滿還京作四首

君恩期汝報老父促行裝白髮羸能健青雲故自望水聲流鼓
吹山影轉帆檣鄉樹重重合回頭已夕陽

藤蘿虛皓月松菊老荒園舊業餘書卷貧家仗弟昆白鷗懷浩

蕩春艸夢黃昏蓬巷何人訪今宵早閉門

師友傷零落西風又一年不教門立雪多見玉成烟淚為千秋

灑文應萬口傳只應燕市笛愁聽酒壚邊座主林香海朱生於去年捐館同年家純浩翰撰沈現香編修

亦先後世謝

去去三千里依依十二橋峭帆吹日夜旅夢越風潮魚信期前

路鷄鳴夢早朝江南見女憶尺五節

雪再

石門

春事已將盡樹陰猶薄寒蠶忙今月始甲未以四月為蠶忙桑色野人看衣

被衡茅急徵催胥吏寬猶聞戴勝鳥辛苦訴多端

月夜同陳玉池何春渚登慧山望太湖作

巖梯千級躡荒苔月照林扉豁達開頭上松聲青丙落鳥邊湖

憶曾相見此垂垂那不春風日夕吹明月生初難得影青苔立

久若為思繁華易老多方惜冰雪能禁獨出遲看到一枝香意

動前村定是落花時

雨中何春渚招同陸篠飲解元飛陳玉池明經鴻賓集

小山居觀紅梅作

茅屋曾從畫本看春渚有小山姑圖買春更約玉壺寬名花留殢三分酒

好雨攬和半响寒簷溜急於傾鑿落香光濃欲壓闌干詩人北

郭他年憶合例南湖上將壇

假滿還京作四首

君恩期汝報老父促行裝白髮羸能健青雲故自望水聲流鼓

吹山影轉帆檣鄉樹重重合回頭已夕陽

藤蘿虛皓月松菊老荒園舊業餘書卷貧家仗弟昆白鷗懷浩

蕩春艸夢黃昏蓬巷何人訪今宵早閉門

師友傷零落西風又一年不教門立雪多見玉成烟淚為千秋

灑文應萬口傳只應燕市箇愁聽酒壚邊主林香海先生於去年捐棺

亦先後

去去三千里依依十二橋峭帆吹日夜旅夢越風潮魚信期前

路鷄鳴夢早朝江南兒女憶尺五節

雲霄

石門

春事已將盡樹陰猶薄寒蠶忙今月始甲家以四月為蠶忙桑色野人看衣

被衡茅急徵催胥吏寬猶聞戴勝鳥辛苦訴多端

月夜同陳玉池何春渚登慧山望太湖作

巖梯千級躡荒苔月照林扉豁達開頭上松聲青丙落島邊湖

氣白虹來髻鬟縹緲堆三面星斗蒼茫浸一杯恍惚神靈相揖

讓且應見我立崔嵬

廣陵雨中管齋白招同閔蓮峰華陳古漁毅管平原

林鐵簫方密庵輔葉詠亭天賜朱二亭汪劍潭

集彌勒庵分韻

渡江三日日雨篷底瑟縮如眠蠶衝泥為踐故人約竹輜輶

亂來茆庵木瓜樹大陰蔽牖間雜涼氣紛松栴相逢主客似圖

裏濃綠一色須眉含僧廬不設米汁戒彌勒與我應同龕櫻桃

勾圓新筍脆到眼風物誇江南羣公此地有根著却今遊子心

懷慚花開花落春已去髮絲禪榻吹髮髮燕雲越樹兩隔絕揚

州之夢吾焉貪詩壇龍虎老輩在燒燭但愛今宵談今宵有酒

飲且酣明朝離別情何堪曉鴉忽起雨聲歇落落晨星見兩三

同金棕亭教授兆燕家並山山長班過秋雨庵與竹溪

上人茶話

香門來往認杪樵徑曲池平句屢哦竹樹老蒼炎意少蓮花清
淨苦心多游仙已誤人間鶴聽講先馴座下鴉落日登臨何處
望諸天杳杳隔藤蘿

高郵

勝會文游句僅傳珠光璧社見何年古今來往秦郵月南北縱
橫楚脊烟野水魚龍通蟄穴亂帆商估急征船登樓我爲蒼生
感高浪平看已拍天

淮陰舟中晚雨

參差密樹映清淮絡繹飛帆過釣臺雨挾涼聲隨浪去雲分曉
色渡河來下流鼉鼓千家雷極浦蛟龍道雷自笑老生談不

厭何時保障起良才

渡河

東望連齊魯滔滔送客程日高騰濁浪風落走虛聲舟楫期
濟魚龍亦避行射陽城不遠回首亂雲橫

雨泊鄧家牖是夜水暴漲

閃閃金蛇飛森森銀竹立千艘爭泊所篙艣力不及得命傍懸
厓敢惜衣裳濕徬徨坐達旦一望失原隰濤驅沙石徙林捲魚
龍入百室幾漂搖餘生寄呼吸天公未拗怒雷殷四山急亮無
黃鵠羽益凜魚腹泣吾知造化仁爾輩徒岌岌風雲無定蹤瞬
息自收拾林杪朝陽升茅茨亟修葺

泗亭

列岫森彭門迴風盪泗水真人昔魚服大度表鄉里歛魄素靈

藏承符赤曜起收秦見銜壁馘楚無費矢稜威播區陬炎德受
圖璽綿葛緇禮興戎亭脊戈止時來奮英雄事往思壯士荒波
閃餘明故蹟標築峙雲氣殤山歸落日照猶紫

仲家淺

鳧雲吹欲落嶧雨晴不飛萬柳綠無次高低隱斜暉其上仲子
廟俯瞰漁家磯廟前曬破網墻上堆蓑衣云是其子姓百代猶
相依慚余負米人輕自離庭闈願言訴懷抱不見劔佩歸天暝
木風大月上人影稀安得農丈人雞黍慰我飢

濟寧竹枝詞二首

夾河楊柳綠生烟八閘估樁高接天郎心去似下閘水妾意愁
如上閘船

妾家矮屋青漆闌門外棗花日日看不解湖心采菱湖只唱林

打棗竿

東昌二首

南北檣帆繞堞攢望來烟火信殷繁千年俗表齊風大六月雲
連嶽氣寒遠道飛芻方絡繹人生行路本艱難連朝待牖淹留
久慚愧青天一羽翰

西風笳鼓動城隈此地真須控制才淥水一支微子國夕陽終
古魯連臺防秋力殫金隄塞剗亂心傷戰骨堆聽到胡僧談往
事昆明原有劫餘灰

臨清有感四首

曾是殷繁地驚心灰燼餘突難防檻獸殃竟及池魚白首人傷
亂黃紬吏養疽庾冰先自遁宛轉柰蘧蔭
子政徒山賊孫恩豈水仙動誠知蠢爾聚即可殲旃艸莽爭傳

箭花門各控弦由來忠愛意愚賤最能先
聞道將軍出思申捷伐威崑岡經力挽礮火息狂飛旋見沙蟲
化終令戶口歸愛民吾輩意痛定淚沾衣
帆檣仍此泊市肆竟能稠雨洗干戈氣風生草木秋恭承
天子聖
恩被小民周漸養瘡痍起羣公幸好籌

獨流口

秋色和帆葉隨風下獨流河聲淇水合柳色夕陽留萬戶炊烟
動千年兵氣休三關西去路無復入邊愁

津門海船歌

大沽小沽波汨汨千檣萬檣高刺天相鳥銜旛空際旋縹緲欲
赴蓬萊烟船頭海賈袒兩肩南從閩粵歸幽燕巨靈遠蹀凌八

埏東方紫泥衣屢濺去年漂榆帆乍懸一針鴨綠浮齋淦仰空
蕩蕩迷星躔神燈雙導南風便火輪碾上扶桑顛天雞叫醒鮫
妃眠沙邊島嶼鬢髻妍雲中宮闕珠貝鮮收洋打鼓聲闐闐以
爾車來我賄遷鳩留喜結仁者緣華鬢樂受天宮塵眼眩百貨
紛填駢流離珂珉光揚焰空青鞮鞢綵互纏金銀氣塞不得前
下風時亦腥龍涎枯槎冷笑張家騫招搖一葉翩乎翩百色妖
露戲我前海童當路小髻偏天吳烟象爭蜿蜒性命甘博黃金
于今年十船九不還桑田不變變墓田同行火伴魚腹填歸來
涕泗垂漣漣吁嗟此事聽可憐收之桑榆寧爾愆我有學海尋
無邊半分之城卜築堅暨乎歸墟同一淵中間穩划多寶船珊
瑚可細石可鞭金丹不用燒凡鉛汞其膏者壽彭錢曷不從我
歌遊仙

衛白交流水怒盤黃雲散盡海天寬
津門樹色三沽遠碣石秋風萬里寒
清濁不聞歸壑異隄防始信導河難
千年豆子航邊路陳迹無多少照殘

香河晚泊望隔岸遠山同舒古廉賦

朝塗理輕輶夕滯弭孤榜霞照已西馳
戀情忽東往紫翠通百盤烟靄鬱萬象
結翫赴空明流觀極俛仰羈愁釋初懷
冥色媚餘賞緬彼猿鳥蹤復此薜蘿想
雲停美人來露積華月上繕性寄歎歌
前巖共清響

有正味齋詩集卷四終

